

WILLIAM SHAKESPEARE

# TARJAYT N YID DEG AMMAS N UNEBDU

*Yessughel-it yer Tcawit:*

*YOUNES AGHOUGALI*



**TARJAYT N YID DEG AMMAS N UNEBDU**  
**« MID-SUMMER NIGHT'S DREAM »**

*N William Shakespeare*

*Tasuqilt s Tcawit Syer :*  
*Younes AGHOUGALI*



*Tayemmat tedder tegsa*

*Yes-s tawmat tella*

*Tɣemmi gara n wussan*

*I yiman d tala n waman*

*D aneznaz n iħulfan*

*Zemmen s umedwal n wawal*

*Yegtay lεuđ n ujenna*

*Cem a “Tcawit” d agel n yemma*

*Cem d tarca; deg lefrist tersa*

*Tajeddart teħjem, texċda n tsayya*

*Ad d-tedder tayemmat mani a tella.*

**TAJMILT LEUD N WEDRAR N CELYETI  
TARCA N “AMAR NEGUADI”**

## *AYawas N Tecquft:*

### *Asekir 1:*

\**Asayes 1: TAYREMT N DUQ, DEG ATHINA*

\**Asayes 2: AXXAM N QUINCE, DEG ATHINA*

### *Asekir 2:*

\**Asayes 1: TIZGI UR TEBEID-CA YEF ATHINA*

\**Asayes 2: AMKAN ID DEG TIZGI*

### *Asekir 3:*

\**Asayes 1: DEG TIZGI*

\**Asayes 2: DEG TIZGI*

### *Asekir 4:*

\**Asayes 1: DEG TIZGI*

\**Asayes 2: DEG UXAM N QUINCE, DEG ATHINA*

### *Asekir 5:*

\**Asayes 1: DEG TAYREMT, DEG ATHINA*

\**Asayes 2: AMKAN ID DEG TAYREMT*

*Imayagen N Tecquft:*

*Theseus:* DUQ N ATHINA

*Hippolyta:* TAGLIDT N TMAZUNIYIN, TAHBIBT N *Theseus*

*Lysander:* D ALEMZI D ATHINI YEECEQ *Hermia*

*Hermia:* D TALEMZIT TEECEQ *Lysander*

*Demetrius:* D ALEMZI D ATHINI YEECEQ *Hermia*

*Helena:* D TALEMZIT TEECEQ *Demetrius*

*Egeus:* BAB-AS N *Hermia*

*Philostrate:* CCAWC N ISLAN DEG TAYREMT N *Theseus*

*Bottom:* BAB N UZETTA

*Quince:* D ANEJJAR

*Flute:* D AEEDDAL N TGECCAL N LEAFIT

*Snout:* AEEDDAL N TQEŞBIN N WAMAN

*Starveling:* D AGENNAY

*Snug:* D ANEJJAR

*Oberon:* D AGLID N LEJNUN

*Titania:* D TAGLIDT N LEJNUN

*Puck (ney Goodfellow):* AXEDDAM N *Oberon*

*Peaseblossom:*

*Cobweb:*

*Mote*

*Mustardseed:*


D IJENNIYEN

D

IXEDDAMEN

DEG ATHINA



A dramatic image of a red velvet curtain partially drawn open, revealing a dark stage area. The curtain has gold-colored rings at the bottom. The stage floor is made of light-colored wooden planks.

# ASEKIR 1

## *Asayes 1: TAYREMT N DDUQ, DEG ATHINA :*

Ad yadef Theseus, Hippolyta, Philostrate d yyid gara-nsen

**Theseus:** Imir-a, a Hippolyta tmibhayt, ila yimer n islan-ney yettzazay-d; qli n tlata n wussan ad şiwden gur d atrar, Ah, beşşeh mamek a taqqaley gur-aya la yetmetta s wehbaw! Ha-t tneq deg-i a xsey, am tikent ney d tağħalt, s tuddimt a senbacen seg ayen yeğġ-asen wergaz.

**Hippolyta:** Tlata n wussan ila ad zehżhen iman-nsen deg iđan, ma d tlata n yiđan ila ad şefden yimer yer teymert, yer din; gur yetbeggesen am uneccab n wezref, ad yetna d aessas n talwit-ney deg ujenwan.

**Theseus:** Philostrate , dren awelleh n ilemziyen n Athina lherj, sukid tarca n uqejjem yeččureñ tezdeg d terzeggi, rra ljal n lyec i tnedlin; ssuhemt tawrayt ur telli n tikli-ney.

**Philostrate** yerg.

Hippolyta, s ugestur-inu uci-y ameəruf yef ul-nnem, ur wwiy achal-nnem kkes sima snirfey-cem. Ma tqedd-aya u recley-cem, ila ad defferey abrid id; abrid n tgelda, tgawant, d usemdi n zehwat.

Egeus, Hermia, Lysander d Demetrius udefen-d

**Egeus:** Tezmert i cek a Theseus, aglid-ney amecnuε.

**Theseus:** Tanemmirt a Egeus yeħlan. Yella-ca n wetrar a d-hewwid yid-k?

**Egeus:** Usiy-d yuccay xirellah, s wul a yeqnen yef teymert n yelli Hermia—tazza-d a Demetrius- Ay aglid-inu, argaz-a yuc-ay-d awal ad t-ycerel – tazza-d a Lysander – ma d wa, ay aglid aeziz, yuker ul n yelli s tqerrabin n Ijawi. Cek, cek a Lysander as-yesekken icewwiqen, u temserdalem tuyac n tayri. Cek as-iyennan s-ddu n tziri, yer tmasext n tħaq-nnes tuyac n wechal, s tgerzi yeşfan. Tukrid-as timallatin n yexf s tedfirin n uzaw-nnek, ibrimen, lheddet, tarzeggi, timeqqunin n newwar, cra n ser yersen yef temzi-nnek. S tzellayin turzid yef ul n yelli, aydin n ɻżant a tesea, tetna d asezwer n yexf. Ay aglid ameqran, ur netnekkar-ca sya kkes ma tuc-id awal-nnek d aneggaru ad tercel Demetrius. Ur twelliż kan yer lqanun n ayet bab n Athina, u sima d tsa-inu, tezmer kan yef sent n tyawsilin; ad tercel a xsey, ney ad temmet.

**Theseus:** Matta tennid a Hermia? Sers baba-m am rebbi-nnem, d netta d sebbet n matta tesei-d uk. Hih, cem yer-s ma hennid d tađellust n uderyis, d netta a t-išawben, ma yexs yeğgi-t, ma yexs yessefsi-t. Rni, Demetrius d argaz yeħlan.

**Hermia:** Aked d Lysander ur yeğgi-ca.

**Theseus:** D tidet, ula d netta yenthela di-m, awid kan win yerna-t s teymert n baba-m.

**Hermia:** Matta xsey i baba ad yeżr yer-s s tiċċawin-inu.

**Theseus:** Yella ilaq i tiċċawin-nnem ad qnent yer tneżrit-nnes.

**Hermia:** Suref-aya nezzeħ a Mass, ur żriy-ca matta n ujil a yečin tabyest-a ad d-tutlay hamma, ur żriy-ca day matta ay-ħran ma sawiż amma di lmejmeę̠ am lmejmeę̠-

nnek. Awid kan ad k-ucey ameeruf ay-tinid matta ad ay-tsawam ma ur wwiy-ca Demetrius.

**Theseus:** Tamettant ney ad tebbid udem-nnem yef yudan. Yetban-ay-d ژer nezzeħ matta texsed, u ad tsawid ljam i yiman-nnem a yizayen. ژer yer leemer-nnem, ur tucid d tamezyant, qquel yer iman-nnem ma tzemred ad tirdeq tajbibt n tecrifin – ma tucid i wawal n baba-m s tyerdin – Ad teseddid matta am-yeqqimen d ussan deg tallast n taddart, teqqureq, tetżalliq i trebbit n ugur taşemmat. D tidet irbbien tictan wa yttef̄en deg iman-nnes bac ad qqiment d tieżriyyin tmudri n sent uk, besseħ izem n newwar yessarad s leyzer yyin i żerren dunnit s wudem yict. Ad d-tegmi, ad d-tedder u ad d-terci s-neg n usennan n tieeuzra.

**Hermia:** Ammin, ay aglid, xsey ad gmiy, ad dry u ad rciy mamek a tennid, aked ad d-sekkey tieeuzra-inu i wergaz temmexs-it tarca-inu.

**Theseus:** Xemmem deg-s deg qli-aya n wussan ald ad yali lehlal atrar, u ad yawweq ass n tiddukla, mani ad ssersey tuččin jar-ay-inu d matta yellan yer-i. Ad tawid s wawal n baba-m, ad tawid Demetrius, ney ad d-teğgalled yef tsejjat n trebbit Diana, texxamt n tieeuzra ha ad t-zedyed yer yiffid.

**Demetrius:** Eġġ yad-i fell-a-m a Hermia yebhan, u ttu, a Lysander, matta tetrājid d Imektub yetwamra i neċ.

**Lysander:** Ur tesid kan leqder n baba-s, ma d neč d tayri-nnes a yes-s, i mala rcel baba-s!

**Egeus:** Tdessed a Lysander? D tidet yesxa leqder-inu, besseħ s leqder-aya ad t-redmey s wagel-inu. U sima d agel-inu ad as-ucey lheq kkul, ad yawi a yexs.

**Lysander:** Ay aglid, aked neč teqnay yer twacult n leqder am netta, u leqder-inu di tmetti ur yedrus-ca yef matta yella netta, u tictiy Hermia kteer-nnes. Agel a yer-i am wa yellan yer-s ma yella ur tifiċ-ca. Besseħ yef wa uk ayes tzuxen yudan, Hermia tettict-aya neč. Mala mayef ad susmey yef azref-inu? Yerni ad iniy cra n wawal amek yella u qadda n Demetrius, ha-t yurzi yef yelli-s n Nidar, ti-n yettusemman Hilina, yuc-as awal ichel-it, isa tuđu deg-s. Ha-tin imir-a nekkink-t tettuleħ fell-as u netta la yetmedran, ur nezmir-ca ad nuexa yer-s, u nettat temmut fell-as, yerni teħbed-it am rebbi-nnes.

**Theseus:** Ad awen-d-iniy sliy qli n uherrar yef temsalt-a, u lliy ad utlayey gara n Demetrius fell-as, kkes kan ttuy, zwiġġ gara lemmayer-inu. Ased a Demetrius, u cek a Egeus, yer-i awal i kenwi kan, ma d cem a Hermia tuzyint, a yilaqen ad tessersed ifriwen-nnem s-tma n baba-m, ney ad cem-yetlef uşađuf n Athina, yellan ur nezmir ad t-neglef, s-dat n wa ad temted ney ad tedred lebda d taħżezrit ... ayya-d a Hippolyta. Matta acem-yuyen hamma tlebted? Ula d cek a Demetrius d Egeus, ha-t tella qli n temsalt n yislan-nnes xsey ad tcewcем fell-as, yerni ad utlayey yer-wen qli.

**Egeus:** Ad ac-ndeffer, ay aglid, bla yawal

Rgen uk, kkes Lysander d Hermia.

**Lysander:** Matta a cem-yuyen amma a taħbibt? Udem-nnem yurey, u newwar yellan deg leħnak-nnem yerci lih lih?

**Hermia:** Awelli d tametna ay yiceħħen, amm-a ula d yeyżer n imettawen ad d-ihuggan si tiċċaw-inu ur ahen-tekfi-ca.

**Lysander:** Ah a yul-inu! Matta a sliy d matta a qriy d tineffusin n umezruy ufiy belli abrid n tayri yeččur d tisuwwan d isennanen. Tban-ay-d yella qli n lexşuš jar-atney di temeict.

**Hermia:** Mađella d sebbet ad yeğġen yehħibben msefraqen!

**Lysander:** Awelli ujren beed-asen s labas.

**Hermia:** Mađella d tkatert ay yibettan ilemžiyyen!

**Lysander:** I mala temsalt ha-t deg fassen n imeddukal.

**Hermia:** Mađellahi s tumriyet yettaġġan yict ad yaqqel yer matta żerren yudan!

**Lysander:** Aked ma tella tayri d tmuxsi, xirella n lhuqat mani achal yella d sebbet n umenji, n tmettant, ney n wuḍan. Wa iweċċa-t d aħesri am imesli, d amsebrid am lexyal, yedrus am tmarjit, yečala am urmig deg usellas n yiżid. S temġawla-aya.

**Hermia:** Ma yella abrid n tidet n tayri yeččur d tisuwwan d isennanen, d wa ay yettuħetmen fell-as. Mala ilaq, di luęer, ad neekkez alawi, sima tannumi n luęer tetsama-d tayri, am nettat am tikiwin, turjayin, asukti, imettawen d wa yettixsa bunadem aqellil uk.

**Lysander:** D awal išeħħen ... sel-ay-d a Hermia .. yer-i eemti d tamerkantit, ur yer-s-ca n drari. Axxam-nnes yebied tikli n wass sya, nettat tesrus-aya am memmi-s awħid, din, a taħnint, nezmer ad nessili islan-nej. amkan-in ytrag i wufus n l-姜un n Athina. Ma tellid tettictid-ay d şsheħ, rwel seg uxxam n baba-m adeċča deg id, ad ilij traġiż deg-m deg tizgi ur yebieden-ca yef tayreempt kan s qli, yad-i deg umkan mani a cem-mlaley gara n Hilina s-dat n tfaska n mayyu.

**Hermia:** Ad k-ġġalley, ay aħbib-inu, s uneccab ameqran n Kupid, d wa a yesxa seg-sen mmi-yexfawen iwraqen. Rni ad k-ġġalley s tmelsayt n tedbirin n Vinus. D yal n tyawsa yessemlalen yehħibben u tessegħmay tayri-nsen, d l-leafit yečeñ tagħidit n Qarṭaj, sima yekker userdasi di teflukt-nnes u ibeed-as. D l-leafed a tfeyyan akkas yergazen, yyin a yifen matta tebbin l-ixalat d l-leafit yef iman-nsent. Ad k-ġġalley s waya uk, adeċča ad ay-tafed deg umkan a tennid.

**Lysander:** Illi yer wawal-nnem a taħibb ... Qfel! Ha-tt-in Hilina teggur-d s-yun.

Tudef-d Hilina.

**Hermia:** Azul fell-a-m a Hilina tuzyint, mani a teggured?

**Hilina:** Teqqared tuzyint? Ur qqar-ca amma, d tuzyint ayeħi yetmetta Demetrius d cem. Matta a tdebbred a tametħut yebhan! Ittawin-nnem am itran n ujenna. Tgerzin-nnem tif imesli n waħdu ma yuta deg tesbulin n yirden ma ḥafent. Ah mda yella i tumreyyet n bunadem adan i nettien, ila ad ay-tessentied zzin-nnem a tamelħant! Yer din imejji-inu ad yerzem i umeslay-nnem, tiċċi-inu ad temleħ am ta nnem, ma d iles-inu ad yebreħ s wayen a yer-m d tgerzi. Ah mda tella dimmet deg ufuś-inu, ila ad m-tesekkey d tayrimit i Demetrius ad ay-tuced! Selmed-aya mamek ad baney u ad d-flaley. Selmed-aya tnazurt a cem-yeğġin teterriż tarca n Demetrius.

**Hermia:** Leesmer dşıy-as deg udem, u netta akkas yended deg-i.

**Hilina:** Matta ay-yuyen tađşa-inu ad telmed seg uyucci-nnem.

**Hermia:** serwayey-t d cetmat, irenn-aya s tayri-nnes

**Hilina:** Mani yuea dmam-inu s-dat n cetmat-nnem?

**Hermia:** Kul ma rewley fell-as, irenni yettendiğ deg-i

**Hilina:** Ma d neč ma xsey-t ugar, yetmexs-aya meṛtin.

**Hermia:** Maci d neč ad irefden tibbuhla-nnes, ney si cra n umerrig a xedemy a d-husa.

**Hilina:** Tahuſi-nnem ay yilaqen ad terfed ta, aked d amerrig yexda seg-i a d-yusa.

**Hermia:** Ur tyeffes-ca iman-nnem. Ur yeqqim ad yezer udem-inu. Neč d Lysander ila ad nerwel si tyerma. S-dat n wa ad ters tiṭṭ-inu yef Lysander, tella Athina d tamsunt di tiṭṭ-inu. Cra n uyl yellan deg tayri-inu, tamsunt tetna-d d jahennama?!

**Lysander:** Ad am-nini matta neffer. Adečča tameddit, ald ad tessers tfukt seg ifulan-nnes n wezref s-neg n waman, ud ad terxa s-neg n yiji lerhađ-nnes n izerfawen. Ald ad teffer tallast lejarrat n yeħbiben imesserben. D tin d yimer ila ad nerg seg tmasxiwin n Athina.

**Hermia:** Ad mliley ahħibbinu Lysander di tizgi. Tizgi-in, yaxi xirella a tħsej neč id-k yef ussu n newwar, nketta-d matta yellan deg ulawen-nney, u yal yict yeqqar a yeff i yum-as. Din ad nekkes tiṭṭawin-nney yef Athina, ad nerzu yef imeddukal d itraren, d terbaein yellan ur nessin. Yim deg talwit a temeddukelt n temzi, ur tettu-ca żall-aney, u saramey ad tađuđ deg ul n Demetrius. Ma d cek a Lysander ur tettu-ca tamlilit n Wadečča

Terg.

**Lysander:** Temmut a Hermia ... di lahna a Hilina. Matta a xsey ad yeeceq deg-m Demetrius leuđ a tsecqed deg-s.

Yerg.

**Hilina:** Wa msefraqen yudan di tumert-nsen! Imezday n Athina uk żerrin-aya d zzin am Hermia, matta fell-as ma ur yežri-ca Demetrius matta żerren. Ur nessin matta snen yyid uk? La żerrey-t yetmerrag sima a yebħer di tiṭṭawin-nnes, u yudan tmerragen-t fellha sima żrin-aya ħarey di lemmayer-nnes. Tayri tezmer ad tuęa tiyawsiwin yeqquren, d ddelf, ur yer-sen azal, d tiyawsiwin a yiqedden u jemlen lebha d zzin. Tayri s yiman ad tzer yexda s tiṭṭaw. Yef ta Kupid tefriwin, ucin-as tugnit n uderyal, meqqen n tiṭṭawin. Ula d alli, di tayri, tetxuşş-it temeint n ḥray, tifriwin bla yežri kan d abecleg. Qqaren tayri am Idufan, axaṭer ur yezmir ad yefren wa a yifuħen seg wa yeħlan. Mamek a serkusen drari ald ad d-tiraren, aked d tayri akkas tessur gara n tserkas deg yal amkan. S-dat n wa ad yežr Hermia, Demetrius yessired-aya s tmetna n tiyawsiwin sima yeqqar yetticta-ay kan neč. Beşseħ s lħumman a tessent deg-s Hermia, aydin n tmetna teżwa deg ugzay. Ad ilij yer-s luqqa u ad as-iniy Hermia texs ad terwel. Bla tutlayt, adečča ad t-ideffer yer tizgi. Aked ma εyiż si

teşmeđ-nnes d ucennef fellä, ila ad yezha u ad ay-yesnummer. Ma d neč ad ay-yekfa deg-s a taqqaley abrid uk, ald ad yežwa u ad yetna.

Terg.

## *Asayes 2: AXXAM N QUINCE, DEG ATHINA:*

Quince, anejjar, ad yadef gara n Snug, ixeddem aşyer, Bottom ameyyag n üzetta, Flute, imseggem n tgecculin n leafit, Snout amizrag, d Starveling; agennay.

**Quince** : Kul yict ha-t da ?

**Bottom** : Ilaq ahen-tlayid lkul, kul yict s yisem-nnes, yict wern n yict , bac ismawen-nsen ad flalin di twerqet-aya.

**Quince** : Tay d asebtar a deg-s ismawen n yergazen a yellan deg Athina lkul, yyay a yizemren bac ad diraren tacquft ad d-yilin deg yiđ n wercal n yeglidien.

**Bottom** : Deg mezwaru, cek a Quince, ini-aney matta ad yilin di tecquft-aya, ha qrid fell-aney ismawen n imgayen, u susem fell-aney.

**Quince**: D widin. Tacquft-nney qarin-as « Lkumidya N Tiwdi D Imenyi N Pyramus D Thisbe».

**Bottom**: Eğġ ad k-iniż, tacquft-aya ha-t teħla nezzeħ, n tađsa. Luq, a Quince, ini-aney ismawen n imgayen a yellan deg usebtar. A yergazen ndet fell-as.

**Bottom**: Day, ina-y matta yella nnub-inu deg-s, tkemled.

**Quince**: Nick Bottom, ad tirared nnub n Pyramus.

**Bottom**: Matta, Pyramus? D aħbib ney d agnayzi

**Quince**: D aħbib a yenċin iman-nnes s wa a yeħlan.

**Bottom**: Ilaq ad iley u ad zehgħej bac aggay-inu ad yeflali d uflis. Ah a yuma, luqqa ad aqelen mlih, u ad ilin ula d nehni. Ad ġżejj imettawen heggan-d si tiċċawin-nsen am izeqqiren. Ad merruy s wul yejmel –ad yini ismawen n imgayen yyiđ- Beşšeħ jar-ay-inu d iman-inu, xsey ad irarey nnub n wegnayzi, a neč ad nejmey ad sawiż tyawsa d tameqrant gara n Hercule, ney d imuren yyiđ n ueyyed d uzewwek. A neč qumey ad eeydey u ad zewkey, hamma, sel-ay-d:

Izra yettemxulxulen

D tizza yessarjayen

Luqq-a ad rżen isergalen

N tmasxiwin n isekrafen

Tifawin n tfukt luqq-a ad d-lfan

Ad t-flala seg ubehħiz yeħlan.

Fell-aney ad tekkes tila ur izedgen.

Ah, d awalen yendum! –Luqqa ini-aney mand d yya imgayen a yeqqimen- deg tecquft, aggay-aya a yiexdaa ha-t am nnub n Hercule, lheddet n wegnayzi. Ma d win n weħbib ilaq ad yili yeċčur d anekfel d imettawen nezzeħ.

**Quince:** Francis Flute, imseggem n tgecculin n leafit?

**Flute:** A neč da.

**Quince:** Cek, ad d-tirared nnub n Thisbe.

**Flute:** Mand wa Thisbe? D amnay a yetwarzawen fell-as?

**Quince:** Thisbe d nettat d tahyuyt a yetticta Pyramus.

**Flute:** Araħ, eġġ fella. Ad ay-tessersed deg umkan n tmetħut. A nečč d bab n tmart ay iliy.

**Quince:** Texda d Imuckel. A cek ad tiřed ċeċċar, u ad tessili-d deg awal-nnek mamek a texsed.

**Bottom:** Deg umedwal-aya, eġġ-aya ad irarey aked nnub n Thisbe! Ad iliy d Pyramus yef umezwaru: "Thisbe, thisbe!" u layna: "Ah, Pyramus, ahbib-inu agennun! Neč d tahyuyt-nnek Thisbe! D tagennunt-nnek".

**Quince :** Araħ, arah, cek a Bottom d Pyramus, u cek a Flute d Thisbe.

**Bottom:** Tidin, rni.

**Quince:** Robin Starveling, agennay.

**Starveling :** A neč day a Peter Quince.

**Quince:** Cek a Starveling ad tsawid nnub n yemma-s n Thisbe. Thom Snout, amizrag.

**Snout:** A nečč day.

**Quince:** Cek ad tirared nnub n baba-s n Pyramus –ad iliy d baba-s n Thisbe s iman-inu - Snug ad tirared arr daya ay yellan. U tacquft-aya saramey ad tebda imir-a.

**Snug:** Yer-k nnub yemran n warr ney arah? Ma yella yer-k ucay-t-id, xsey ad bdiy ad qriy seg-s qli n lextu. Ha-t ad ay-yawi lhul n yimer.

**Quince:** A cek ad tzemred ad tweħħid matta ay yellan. D zhir d aydin.

**Bottom:** Eġġ adirarey aked amur n warr. Ad zemrey ad zehrey s legder, d tidet i wa ay-syaden. Ad zehrey nezzeh, alda ad ay-yini wegħid: Eġġ-it ad yerni ad yezher, eġġ-it ad yerni ad yezher".

**Quince:** Mda ad tzehred s luċer, ad d-t-ssaggedd tiglidin d tsednan, u ahent-teğġed caryatent. Amma ad naf iman-ney uk berṛa.

**Uk:** D tidet, amma ad naf iman-ney uk berṛa.

**Bottom:** D tidet ay issejien, tzemrem ad d-tinim amma, ad nessagged isednan deg ul n wass, Ahent ur tqumant ad ayen-nigent aked qli, kkes ma ad ayen-nenyent. Besseħ a neč ad sseħwiż deg awal, u ad reysej tigerzi-inu alda ad utlayeġ-, ad zehrey s uħenned am wegħid n webrid, am umeqnun n talwit.

**Quince:** Ad tnejmed ad tirared kan nnub n Pyramus. Axaṭer Pyramus d argaz d aqmamas, netta ad tafed deg ass n unebdu, d mibhay, d ukyis. Mala d cek ad yilin d Pyramus deg tecquft-a.

**Bottom:** D widin, daydin ad iliy. Matta ad d-tusa tmart ad d-ırdehy?

**Quince:** Amek a taqqaley, ireq a texsed.

**Bottom:** Ad sseddiy nnub-inu n tecquft s tmart am ta n ulum, am ta n yijdi, ney tin tawrayt yetterqiqqiexen am iħentaz n lefransis.

**Quince:** Lefrancis yyid ur yer-sen-ca n tmariwin, axaṭer Syphilis yeşsuđu-asen izaggen-nsen. Imala ad tesseddid d imgurrem. Beşseħ ay argaz yeħlan, ha-t awra-k zmam-nnek, ilaq ad t-teqrir adečča deg yiđ. Ad nemlil yer tiżgi n weglid, s tikli, bzayed a tebexx ȇf ayrem. Yadi, yadi ad nezmer ad nessili tacquft mamek ay yiċċada, xaṭer ma nigi-t deg ayrem, ad ayen-srebzen yudan, u ad snen ayawas ayef nemfahem. Luqqa ad d-awiy tiyawswin ayen-izemren. A nečni nemserg ȇf yict n wawal, Ur ay-tettaġa-ca tcatey s yiğ n ufus.

**Bottom:** A nečni ad nili yadi, u ad nexdem, amek yella umedwal, s wulawen-ney. Xedmet ami tqumem, qra-tt idriissen-nwen nezzeh. Azul.

**Quince:** Ad nemlil yer weċċic ameqoran, d tiżgi n weglid.

**Bottom:** Temmut! Lli-t yadi, ney ad renni-t-ca ad telfa-m udmauen-nwen.

Tazyuýt d Robin Goodfellow (d azyuy d amcum) mselqan s-neg n tħerħet.

**Robin:** Azul, a tazyuýt! Mani ad d-talid?

**Tazyuýt:** Ad aliy s-neg n idurar d iyeżran, ȇf tżegwin d isennanen, s-neg n treqciñ d tħedreyxin ay šetren, ȇf aman d l-eafit. Ad necwley ani yalla lhul n igarren ay yettenden ȇf tmurt. Ad xedmey ȇf Titania, tagħidt n izuγay, u ad as-sawiż eżżejj n tħebbiyyin deg ujmu. Tinewwarin n bugerexun d iċċessasen-nnes. Luqqa ad tezred tiqermiđin-nsen s yexfawen, yyidin ahen d tieeqqayin, d tisekkiwin n lejnun. Riħt-nsen teħla, tettas-d seg adeqqis. Luqqa ilaqtad dafey qli n tmeqqa n nda, Aħen-tħelqey d taseqqact di kul tanewwart. Yim di talwit ay azyuy imhernef aseggun. Ilaqtad krey. Luqqa ad d-has tagħidt d tnegħusin-nnes.

**Robin:** Igħidien ad igen islan-nsen day. Ur ad tettu-ca tagħidt ur tettazzay-ca yer-s, axaṭer agħid Oberon ha-t d ameycuc nezzeh. Yezzex xat̜-t tuker cra n umeċčuk d amibhay s-yer cra n ugħid d Ahendi. Ha-t leemer ma tettef ameċčuk am wa, d agennun, Oberon iwella d ayejjayar. Oberon yexs ahyuy i netta, bac ad yelli gara-nnes ad ndacen di iżiegwan. Beşseħ nettat tegġum-as. Tessers newwar s-neg n yexf n umeċčuk, tig-as tmerqut. U luqqa Oberon d Titania ad d-meslayen ney ad mlalen warr deg tzeqqa, war deg tferka, warr s-tma n yeżżeर, ney s-ddu n yitran. Tnuyen akkas, tizyuün timeżyanin għden-hen, u seg-sen tefren deg iqelma n ubellu, ani ur ahen-tafen-ca.

**Tazyuýt:** Aked ma igiż amerrig, a cek ad teqqimed d azyuy-in amcum, uctim a yesetwaqqaren Robin Goodfellow. A yella yexda d cek a yettenden akkas, yessaggad tież-riyyin deg qawwar, tettakred akefkuf seg aji, trezzed isira n waren, hennid tesrebzayed Ixalat n yexxamen, ur tetteğġid-ca aji ad d-iwella d tlussi? A yella

texdiq d cek ur yettega-ca uzi ad kefkef mamek ilaq? D cek a yiweesan yudan seeraqen abrid deg id, ald ad tedşed fell-asen? Yudan yyid tlayan-c Hobgoblin ney "azuyu miħlay", xaħter teħħlid yer-sen. Tettuċed-asen afud igerzen. Amm-a d cek, d tidet?

**Robin:** A tennid d tidet. D way d neč ayef tettutlayed, amyurar n izuŷay n yið. A neč qqarey tiqejjimin i Oberon weesiy-t yettezmummuk. A neč zemrey ad kelħey gis azewwar a yigersen nezzeħ, Ad as-baney d leuda. Llant Ixetrat, tefrey s-ddu n tyerraf n cra n temyārt, u ad baney am bujniba. Ma ad tesew agerrif, ad rgey yer cnafer-nnes ald ad twezzie aydin n imeswi yef yiri-nnes yekmumcen. Lxetrat yyid, ca n temyārt d tamriż a yer llan tneffusin ahen-tekta, tusid ad teqqim fellä, sxill-as d akersi n ca n iðarren a yelliy. Beşseħ rewley seg-s u ġġiġ-t tuđu, teccaryat: "Aw, ameċċac-inu!" u tebda tettusu, yer din kul yict yebda ideš u yetmesxar. Uea yadi a tbazyu! At yusi-d Oberon.

**Tazyuŷt:** Ha-t aglidt-inu, Titania. Matta a texsey ad yuea yadi!

Oberon, algid n izuŷay, d yesifen-nnes udfen-d. Deg uŷir-in n tħerħet, Titania, tagħidt n izuŷay tuđed gara n yišeif-nnes.

**Oberon:** A yifuħ ad cem-żrej day a Titania.

**Titania:** Matta d ayeyyar a tellid a Oberon? Tizquŷin, ġġim-aney ad nerg s-yay. A neč ġulley ur rniy ad tešeyp gara-nnes, ney ad utlayeñ id-s day.

**Oberon:** Rja-d kan luhert, a tucmitt. Yexda ilaq fellä-m ay-tesled, d aglid d wergazz-nnem a lli?

**Titania:** Mda tellid d aglid d wergaz-inu, ilaq fellä ad iliy d taxeddamt d tmettut-nnek, alda ad tilid cek d uṣdiq gara-inu. Beşseħ a neč sney matta a yellan, trugled si tmurt n izuŷay, tetwellid am userraħ, u tesseddayed ass yejmel tettirared l-lyiħat n ulum u tcennid i tmeddu kelt-nnek tħarrat. Bac ad tased day u ad teżred tamcument-in n Amazon Hippolyta, nettat d sebbet ac-yeğġin tusid si Lhend. D nettat a tceħled ya si zik, d taħbiġt-nnek tagħrawliwit. U luqq-a sima a tercel gara n Theseus, tusid ad d-tilid deg islan-nsen.

**Oberon:** Amek izmer-am ad tbedded, bla anetċari u ad tutlayed fellä d Hippolyta, Melmi ad tesned a neč sney yef weċċehal-nnem id n Theseus? A yella yexda d cem ad t-yeğġin ad yerwel si Perrigouna deg ammas n yið wern n wa a yiga deg-s? Ay yella yexda d cem ad t-yeğġin ad ikelleħ tħibbin yið am Aegles, Ariadne, d Antiope?

**Titania:** Daya ur yellin, d tiserkas n tismin. Sima yebda wammas n unebdu, neč d tizquŷin-inu ur nezmir-ca ad nemlil u ha-t gara n wađu bla leeyad d inuyan-nnek. Ur nezmir ad nemlil yer wedrar, ney s-tma n yeżzer, deg tizgi ney d talma. S-tma n tala, ney mager acerċar, deg cet, s-tma n yil mebla ma ajen-tesucced. Ma tesuccayed deg-ney, ur netquma-ca ad necħej, u adu yettaġa iselmen tragen seg il u ad adun deg iżże;r; yettusemma deg isaffen, bac ad yuea imenji fellä-k berk. Aked Ixedmet a yigħin iħarraten d ikkrazen, d tgarza n temzirin uk i dwa; xaħter imżin imsewSEN a grin mfeyyan s-dat n wa ad d-awden. Tizribin ahen d qdelf deg ammas n treqċin ay yiħemlen, iżjuraf ufin iman-nsen s labas, tetten l-ijifat n dduban a yilumesen. Inurar ani tiraren yudan tcuřen d luđ, aked timseerqin n meffer a yigħin deg ujmu, ur tetqumid-ca ahen teżred, xaħter yict ur yeggur fell-asen ald wellan d tqidimin. Luqq-a maci d tajrist

day yef yudan imenyayen, i mala ahen-xdan d imerbaħ s can d uberreħ a xedmen deg-s. Aked gur awraj, ameycuc, iwella yessuktay taneffut d uđan. Taneggarut n weflu d tinallatin-aya a yifuhēn, d ssuhemt yebdan tetmeđran. Taşmuđi n wejris tebda teggared yef newwar, u tajrist a yiquesten tired tasurit n newwar yebhan n unebdu am wetmešxer. Tafsut, awessu, tamenzut n şšabt, d Imecta tameyçuct ənan imukan yyid, u imir-a amadål yemixerwed, ur yeeqil iman-nnes matta yella. Way uk yef inuyan-nney. Nečni d sebbet n wamma.

**Oberon:** Mala ig tyawsa. Yer-m yıl ad a yizemren. Mayef Titania texs ad temnuż gara n Oberon-nnes? Matta a rezzyuk uk, Ameččuk din amežyan ad iwella yict seg ixeddamen-inu.

**Titania:** Ttu. Ur ad k-tutcey-ca ameččuk aked deg umkan n tmurt n izuŷay uk. Yemm-as ha-t tella tict seg imedwalen-inu, nella akkas nettemlal-d deg id, deg Lhend, nella netjima s-tma n yıl netaqqał deg teflukin n izenzayen tseddan. nella ndeš ma nezra afriwen n teflukin mamek a ttufen u tezwireñ iseddizen-nsen ma hennid d imrawen. Texs ahen-tseaned sima tella s uzeddiz n umeččuk, texs, s iman-nnes, ad tugur yer tmurt, u ad ay-d-hawi qli n trezzaf, u ad texca gara-nnes tisekkiwin am teflukt twella-d seg ubrid. Beşseħ sima temmut wern n tlalit n umeččuk, a nečč yef udem-nnes a t-segmayey, ur t-teğġiy-ca akkas.

**Oberon:** Kem a texsed ad teqqimed deg tiżgi-aya?

**Titania:** Twalem ald ass wern n wercal n Theseus. Ma tsegmed iman-nnek u temliled-aney deg tdewwirt n weċċah; deg islan s-ddu n tziri, din ad tnejmed ad d-hasid id-nej. Ma welli-ca eġġ-aya weħdi, u ad wexrey fell-awen.

**Oberon:** Ucay-d ameččuk din u ad d-asey id-m.

**Titania:** Yexda akud s tgelda-nnek n izuŷay uk. Lli-t a tizyuyin, eġġ-t ad nekker. A nečni ad nsawa amerrig n unuyi ma qimey day labas.

Terg Titania d tijenneyyin-nnes.

**Oberon:** Yeħla, lli deg ubrid-nnem mala. Ur tetnekkared-ca s-ya ald ad m-uεiż sebban ay-tennid. (i Robin Goodfellow) Ay agennun-inu Puck, ased yer da. Tetgemmaned-ca sima Ili, qqimey s-neg n umencar, sliy i taslit n yıl s-neg n tħabeq n udelfin tetyenna cra n tuyac yuznen, ca n leħwa yeqqaren a lili. Yessersen tasusmi yef tajnut yesserwayen deg il, a yeğġin itran taffagen deg ujenna bac ad as-seslen nezzeħ.

**Robin:** Hih ur uciy smektayey.

**Oberon:** Deg yiđ din, ʐriy Kupid yuffeg seg gur yer ujenna, s ineccaben-nnes uk eedlen. (cek ur tezmired-ca ad teżred, u nečč zemrey) iqada yer ca n tħeżrit; tella teqqim yef tgelta deg taymert n umalu n umadål, yerxa i uneccab n uceħħal mamek iqum ad yessuref luluf n wulawen. Beşseħ a nečč ʐriy aneccab-nnes a yireqqen iwella yensa s tziri n iżżezriyen yellulin, imala taħżezrit din n tgelta ur tuc tettarjay bla turjain n tayri. Ammin ur uciy taqqaley anu yuđu uneccab n Kupid. Yuđu s-neg n ca n tnewwart deg umalu, a yellan d tamellalt am wayi, luqqa twella d tamuřit tewajreħ s uneccab n uceħħal. Tiżżezriyyin qqrin-as “aceħħal bla asirem”. Away-d tanewwart din. Ad k-t-neeħtey qli n Imerjet. Mda iżem-nnes ad yettusers yef abliw n yict yetteħ, ad

yađu deg uchal n wa ad yezr d amezwaru. Away-d taħċict-aya, u wella-d day s-dat n wa ad yili yimer yer tamža n yil u ad tēum tħata n lemyal.

Ad yadef Demetrius u wern-as Helena.

**Robin:** Ad zemrey ad qendey amadal di rbaħaqec n tedqiqin.

**Oberon:** Ald ad yili yer-i izem n tnewwart-aya, ad siqqi qli n tmeqqa di tiṭṭawin n Titania ald ad tili tetteş. Ald ad d-taki, ad d-ħadu, s leħbal, deg ucehal gara n tyawsa tamezwarut ad d-teżr akud ma tella d arr, d lfil, d uccen, d aħeġrat, d ayyul, d cadi. U s-dat n wa ad tuċiġ mamek a tella; ad qumey ad tesgenfiy s teħcict tict, ad t-ġġey ay-tuc ahyu din ameżyan ma hennid d axeddam-inu. Beşseħ mand wa ad iwellan amma? Luqqa ad ueiġ iman-inu ur tważerayey-ca u ad sely i uharrar-nsen.

**Demetrius:** Qqel, berka adeffer-inu. Mani yella Lysander d Hermia yeħlan? A neč xsej ad reknej, beşseħ Hermia tesseħħbes-ay ul-inu. Yaxi tennid-ay-d rewlen yer tizgi-a. A nečnay din, ad welliy d abehlul deg ummas n ilegmamen axatħer ur ufiy-ca Hermia. Rwel fella, kker ssya, berka adeffer-inu.

**Helena:** A cek tjebddid-ay-d yer-k am dkir uzwir! Beşseħ ha-t ur k-ilaq-ca ad tjebedd uzzal, axatħer ul-inu ha-t am uqezdir. Mda ad telfed i tezmert bac ay-tjebedd yer-k, neč ur yer-i ca aked tezmar bac ad k-ayey yef tgara.

**Demetrius:** Ay yella nniż-am ugur gara-inu? A yella utlayey yer-m s uħenned? A yella ur am-nniż-ca s wawal yeħlan a neč ur cem-tictiż-ca, ur zmirey i wamma?

**Helena:** Hih, beşseħ amma tetteğid-aya tictiż-c ktegħi u ktegħi. Neč d takzint-nnek a Demetrius. Lhul ay-tetcated, lhul ad c-tictiż. Ig-aya mamek a tettigied i użżeरżul; hebda-aya, uta-aya, ttu-aya, eġġ-aya. Berk eġġ-ay ad ilij wern-ak, aked ma ur k-ɛjibey-ca. A yella ur zmirey-ca ad seqṣiż yef umkan afewwaḥ deg ul-nnek rni ay-tiged am tyeżżult? I luqqa ha-t d l-heqq fella ad ilij d tayerżżult-nnek.

**Demetrius:** Qil-aney. Ad aqley yer-m kan twelliż d mađun.

**Helena:** U nečč twelliż d tmađunt ma ur uqqiley-ca yer-k.

**Demetrius:** A cem ad tfeyyid iman-nnem ma trewled seg temdint u tettened id n yict yetemmexsayi-cem. Ad tbedded deg uxxam d aneżruf weħdem deg ummas n yyid. Yexda d abrid ilaġen bac ad d-thadid yef tieeuzra-nnem.

**Helena:** A neč ċewley fell-ak bac ad thadid fella. U sima zemrey ad żerey tfawet deg udem-nnek, yer-i ha-t maci d yyid. Tizgi-aya maci d aneżruf, sima tellid day, cek yer-i d amadal uk. Mamek yezmer i yal yict ad yini a nečč da, u yudan uk ahen-day bac ad aqleñ deg-i?

**Demetrius:** Luqq-a ad rewley fell-am u ad frey deg ilegmamen, ad cem-ġġey i şşarfa n imuzzuren.

**Helena:** Muzzur yexda d azewwar am cek. R wel ani texsed. Taneffust n Daphne d Apollo luqq-a ad temmedren: ameqran, afeħlul Apollo iruggel yef tinder n Daphne a yettażalen wern-as, tadbiż tħaddeff arr bab n wefriwen, a yiħewsen fell-as akkas, u tadmut tmibhayt texs ad tezrem aksel; acelwec ur yetteg tyawsa ma magħad yetazzal u leħbel iruggel.

**Demetrius:** A neč ur renniy-ca ad ndey bac ad m-sley labas. Eğğ-aya weħdi, u ma tetdefrid-aya, ilaq-am ad tzemred a neč ad m-igey tħawsa ifuħen deg tizgi.

**Helena:** Hih, daya ani tssentċaređ-aya n ššeħ, deg ayrem, u deg temzirin. D abexxış fell-ak a Demetrius!

Asekkir-nnek d anehrir i Ixalat uk. Ur netquma-ca ad nut yef uceħħal amek a teggen yergazen. Ilaq fell-aney ad nettudeffer u ad nettuhettabber, yexda ad ndeffer.

Demetrius yerg.

Luqq-a ad ugurey wern-am u ad ueiġ times yellan a neč deg-s d tawsit n temsunt. Ha-t am temsunt ma temmuted s ufuś n yict yettict-ac labas.

Helena terg.

**Oberon:** Azul a taneglust. S-dat n wa ad yekker si teymert-aya n tizgi, cek ad tbedled imukan: cek ad twellid wa a yiruglen, u netta ad iwella deg uchal gara-nnek.

Robin yudef-d


Yer-k ca n tnewwart? Ad neşşuf yes-k ay amsebrid.

**Robin:** Hih, attay.

**Oberon:** Συεuct, uc-ay-t. (yewwi tanewwart s yer Robin). A neč sney amkan mani yetnewwar umerquc. At tesla s tiski tmibhawt. Titania tetetħes, d lhurat, yadi, deg id, tennum tetetħes s-neg n newwar, ctiħ d tferħuħin. Ifiġriwen tekseñ agħlim-nsen yadi, yict n weglim yiraw nezzeh yef ljal n teżjuyt. Ad sersey izem n tnewwart s-neg n titħawwin n Titania, u ad t-serwiż d ihuligen d texgag. (Yuc-as qli si tnewwart i Robin) Aked cek ad d-tawid qli seg-s, u ad teqqimed di teymert n tizgi-aya. Ca n tehyuyt seg Athina tuđu s wul gara n ca n ueżzri yellan ur yexs ad isawa aked qli gara-nnes. Sers qli n yizem n tnewwart-aya deg titħawwin-nnes, u raja mliħ amek ad tili tahyuyt-aya d tħawsa tamezwarut ad yeżer. Ha-t ad yaeser fell-ak bac ad-t-eeqled xaṭer yired aruđ n yict seg Athina. Ad yetna yetticta-t ktegħi n wa ma tettictid. U lajna, hrez mliħ bac ad d-nemlil s-dat n usseuεsec amezwaru n ugazid yer ufw.

**Robin:** Ur taggad-ca, a Mas. A neč da i Ixedmet-nnek.

Rgen uk mefraqen.



# ASEKIR 2

## **Asayes 1: TIZGI UR TEBEI-D CA YEF ATHINA:**

Ad tedef tjennit seg teymert, u Puck seg teymert tict.

**Puck:** Matta tethummid a tajennit. Mani yes-s?

**Tajennit:** S-neg idurar u s-neg iyezran

"Yef ietilen, yef tsetwin

S-neg n treqqucin, s-neg n tebhirin

Yef leewafi d isaffen

Ad ndey, ad ndey deg yal amkan

S lemyawla, ad ifey gur deg jenwan

D taxeddamt n teglidt n tjenniyin yebhan

Ad delqey tili yef tizzuzut

Ma d ibat ten izegraren, ahen i uzechgig n tefsut

Ireddasen n teglidt, a deg-sen d tineqqidin d tizuggayin

D Imarat, deg iburduesen-nsen, d tiwrayin

**Eezzi** n lyaqut n tjenniyyin

Seg-s tetbuxxed rwayeh n imyi yeymin

Ad ili-y ad rzuq qli seg-sen

Ad Şendeley deg yal tict taeqqayt bac ad zedgen

Yim deg talwit ay anebutti afuhān

Tijenniyyin d tgellidt, hamma qli, ad d-hwan

**Puck:** Tameddit-a, llan islan n weglid, yer-m ad mselqan, axat̄ter Oberon ha-t iyuc seg-s ca n uyucci, tuker-as seg cra n yigilden n Lhend ameččuk-nnes, ad t-tuea d axeddam seg ixeddamen-nnes, d eeżzi n wehyuy a tewwi. Ula d Oberon ayejjar yexs ad t-yuea d eessas-nnes amenzu, bac ad as-yezli deg tiżgiwin d iherqan. Nettat teft-it yer-s, u tessers-as tmuqqint n newwar s-neg n yexf-nnes, iwell-as d tafeggunt. Imir-a aglid d teglidt ur temselq-ayen-ca akkes deg urtu, deg tebhirt, ney s-tma n tala

mani tetterqiqqięen itran n yiđ. U ma yewwi-d u mselqan, ila d inuyan ad yilin, ald ixeddamen-nsen uk ruglen u tefren daxel tikebbusin n ubelluđ.

**Tajennit:** Yetban-ay-d ur d-wwiy-ca deg-k Imart uk, ney, deg tidet, cek d ajenni-in ucmit ami yetwaqqar Robin Goodfellow. Maci d cek yennenmen asexleę n yessi-s n idewwura, u yettaker seg aysi tabecirrt. Saęat tetmegri-d yer tisira u ad ahen-thebsed, aydin usuktu n şşuň n wexxam yetruh ammin? Yexđa d cek a yetfiyyan umti d wuzi, u tesseylađed iserrayen n yiđ deg abrid a ttawin bac ad teđsed fell-asen. Ma d yin ad ac-tlayan ajenni uđrif, ney Puck umlih, tettučed-asen fus n tallelt d tiyya iqedden. Yexđa d cek?

**Puck:** D tidet, neč d ameglawet n yiđ d bu-zhu, tmesxarey gara n Oberon u teğgiy-t iđeš. Tirarey-t i ugis-in azewwar ald ad iħuq di leewin, tsawię-as-d imesli n leudannes, u ad as-yetyl d nattat. Tikwal tmegriy deg tsessi n temyarł, ma hennid fella d bu-jniba yemman. Ma terfed ad tesew, ila ufgey yef ticensfirin-nnes, u ad teydel aydin n wuzi yef tgerjuđt-nnes. Ald ad d-texes ad tekti tneffust i lejmaęt, twellię-as d lkersi bu-tlata n iđarren, akkas tegeťtu u tettusu ald ad d-has ad d-teqqim, matta yeteğġan ya yellan din tmettan s tađşa. Tsaeet am ta taqqalen deg-s d laxyar n wa a yedren. Eğđ abrid a tajennit, ha-t-in Robin yeggur-d s-yu-n.

**Tajennit:** Ula taglidt-inu ha-t-in teggur-d ... mda ur d-yusi-ca xır!

Tudef-d Titania d ixeddamen-nnes yef teymert, Oberon d ixeddamen-nnes yef teymert tict.

**Oberon:** Tay teħlaya sima ad acem-mliley s-ddu n tziri.

**Titania:** Wa d cek a Oberon a bu-beyjj? Ad nekker-t ssiya a tijenniyn, way bbiy-t gara-nnes, u beđdey i tussut-nnes.

**Oberon:** Yim kan deg amkan-nnem a tametħut, a yella xdiy d argaz-nnem?

**Titania:** Mda yella wamma, d tmetħut-nnek a Iliy mala? Beşseħi zri-y-c sima tekred seg umađal n Ijen deg ugnit n Korin, tseċċeddayed ussan yejmel tetjewqed u tcennud tayri i teħbibt-nnek Phillida? Mayef a twellid yer da seg cwaree n Lhend? Xsed ad kiniy? Taęezzit tuzyint, yetrađn asebbad n šyaħħ, u tetnay u tetcat, ila ad d-tercel gara n Theseus, u cek tusi-d ad tuced timerħmin i ussu-nsen u ad asen-tuced ameरuf i twellat yeħlan.

**Oberon:** D ləar fell-am a Titania! Mamek ad tfeyyid asayen jar-ay-inu d Hippolyta u cem tesned belli sliy s tayri-nnem i Theseus? A yella texdiđ d cem as-iżżeġmen abrid bac ad yerwel, deg id, s-yer Perigenia a yefra, d sebbet ad yerż awal-nnes gara n Aegle tmibhayt, rni Ariande d Antiopa?

**Titania:** Yay uk d tiserkas a tesserged seg ubeyjj-nnek. Welli-ca ula tict n Imerret, seg ummas n unebdu i eeddan, a mlalen-d ljun deg tizi, iyżer, tizgi ney ajdir, yer tala

n tezrut, taħemmamt ney tama n yil, bac ad necnu gara n icewwiqen n wađu, ila tusid cek u tfeyyi-t fell-aney s werfay-nnek. Ma d ađu yeżra a xixeddem d tigita deg aman, matta fell-as kan ad tay tħar seg-nney, tayzed seg il cra useggen yeċčuren d ađan u terxa-t yef tmurt. S waman din tcuren isaffen d tiregwin timeżyanin, u weżżeen yef tama n yil. Aħerrat yebutti, iċewş-as ula ad yejbed tgarza, ma d bab n tmurt yerxa i yifassen, yebga. Tisbulin n yirden tħafex-t s-dat n yimer. Isečlawen sefđen seg iserċaf. Ijuraf refden aksum seg lejwayef n zwayel yemmuten. Inurar yewwi-hen uluđ, d yebriden n uđar jar n tebħirin ruħen sima iruħ uđar n imsebriden.

Yudan ila traġan ad tawwed tajrist, yenji-hen layas, ur cennun ur tmerraħen i tmredit, a yeğġin gur, bab n isaffen, ad iżu u ad yerxa i ugar n waman, tħawsa yeğġin asemmid d tusut rennin. Yemmedren weflu, ula d isemħuyen medrenen. Ajris yerxa i yifadden yef teflatlin n uzeġġig aṭertri. Ma d timmi n tejrest amellal yired tasurit yeċčuren s newwar n unebdu bu-lerhađ. D taqṣa d taħrifit yef isemħuyen n usuggas. Ha neċnay nedder aseglef jar n tefsut, anebdu d tmenzut a nennum ssabt, d tejrist ameydud s iċċrifien-nnes, ula d yudan izemniyen ur zmiren jar-asen ad bdañ. Way uk sebbet-nnes cwal d użżejjed a nferzeċ jarat-nej.

**Oberon:** Uea imusal mamek a llant, ma tqumed. Mayef ay-tnuy-d luqqa? A xse-γ ahyu din yetwakeren, ad t-ueiγ falla d aċċessas.

**Titania:** Sers yer imejji-nek teħsed, ur rexxiż-ca i wehyuy-a aked d teyrimt i umad , ljen uk. Yemma-s tella tict seg inelmaden-inu, u xirella a neqqim jmiex s-ddu n tziri, deg Lhend, nesuzzur abehleri, u netebbi-d lemquesher s wawal. Netaqqal deg icerrayen deg teflukin yessurufen aman. Ndeş yef ifriwen-nnes yettufen ma yeşsuđ deg-sen wađu, ma hennid, deg lerħam-nnes, a herfed ameċčuk ayef tettutlayed. Tella teggur yef yiddi s umeħtel, tetxana-d tiflukin n waman. Tella tikwal tesekk-ay-d tirezzaf d timeżyanin, u ad twella yer uhumm. Swa swa am tiflukin yetruħan, yetwellan s tħawsixin d titrarin. Beşseħ, meskint, ur teqqim deg-s, tħedda yef tallit n memmi-s, yef ta bbiy yef iman-inu leahed d neċċ ad t-yessegħmin, u leemer ad ueiγ fell-as ul-inu.

**Oberon:** Kem a texsed ad teqqimed deg tiżgi-aya?

**Titania:** Yezmer ad qqimey ald ass wern n yeslan n Theseus. Ma yella yer-k matta ad c-yeħfan d tabyest ad tilid u ad tezhid id-ney s-ddu n tziri, kan lli-d gara-nney. Ney xđ-aħxa, u ad xdiy imukan ani tzellid.

**Oberon:** Siġ-ay-d ameċčuk yef umezwaru, din id-m ad lliy.

**Titania:** Araħ, aked ma tessered amad mal n ljen yef teymert-inu tafusit. Lli-t ad nekker-t a tijenniyyin. Imir-a ad yent umenji gara-nnes ma rniy eetħley qli.

Terg Titania d ixeddamen-nnes.

**Oberon:** Lli ani texsed, beşseħ smekti tħawsa, ur tetraged-ca seg abel-ejt-tuct-a ald ad ahent-weqħej deg-m, yef usebbi-inu. Ased ay ameddukel Puck. Smektay-d-ca

matta n was qqimey deg-s yef udrar yeqnen yer yil, sli-y i teslit n waman s-neg n udelfin teyenna cra n tayuct s tgerzi d tuhnint, tetyenna ald rsent ljalat yettayen ajenna, ula d qli n yitran hwan-d ad slen i tgerzi-nnes?

**Puck:** Smektayey.

**Oberon:** As din ʐriy Kupid (aked ma ur tezrid-ca cek) yetaffag s ugestur-nnes jar n tmurt d gur aşemmad. Icewwer s uneccab-nnes yer ca n t̄ezrit d tmibhayt, yetfen leerc seg leercac n umalu. Yellef s terzeggi aneccab n tayri, ma hennid yexs yes-s ad yelqef aduf n wulawen n yudan. Beşəh sayed n uneccab din yexsi deg iżenzaren n igarren izeddagen. Amma tezmer taglidt, a yesekken iman-nnes i tięeuzra, a tugur yer-s s-dat, tennejla deg turjayin n iżezriyyen, wern ma terwel i tmendafin n tayri.

U imer din ʐriy aneccab n Kupid yuđu yef ca n tnewwart d tamezyant tegmi deg umalu, tella d tamellalt am uyi, u twella d taberbact seg ixebbicen n uchal. Iżezriyyen qqaren-as “tayri n tibutya”. Awa-y-d tanewwart-a, iżem-nnes ma yetwasers yef abliwen n ya yetsen (d iwetmen ney d tiwetmin) ad adun s wul deg wa a ʐrin d amezwaru, ald ad dakin. Awa-y-d tanewwart-aya s lemyawla ugar n teslemt ma tebbi teyzert n waman.

**Puck:** Zemrey ad ndey i tmurt deg rebein n tedqiqin.

Yerg.

**Oberon:** Ald ad yawwed iżem din yer ufus-inu, ad ssersy qli seg-s deg tiṭṭ n Titania, ma tuə ad teṭṭeş. Ila ad teċċeq tyawsa tamezwarut a ad t-żer, ald ad taki, d arr, d ayelyal, d uccen, d aherrat, d cadi d amežyan yendacen, ney d cadi d ameqran yetneggazen, ad t-tdeffer ani yekka. Din ad qumey ad ksey dduxt-nnes s yiżem n tnewwart tiđ, beşəh ur ad t-tetteksey-ca fell-as alda ay-tellef i umeččuk-nnes.

Mand wa a yegguren yer da? D ajenni a lliy ur ay-temnad-ca tiṭṭ, ad frey ur slley i uherrar.

Yudef Demetrius wern-as Hilina.

**Demetrius:** Dmam, ur ay-tdeffer-ca, a neč tmexsayey-cem. Mani yella Lysander d Hermia tmibhayt? Amezwaru ad t-nyey, wis sen ad ay-teny. Tennid-ay rewlen d imesserben yer tizgi. Ha neč da tut-ay tjennit s temsunt-a, ha neč ur qumy ad afey taħbibt-inu Hermia. Eġġ-ay s yexff-inu, beed-ay.

**Hilina:** Yedra-k am dkir aħrur, tjebdid-aya yer-k. ur tezmired-ca i wuzzal, ha neč am netta deg tħarurt s tayri n tlegmet. Berka seg ujbad-nnek deg-i, ula d neč ad berkiy seg udeffer-inu.

**Demetrius:** A yella thebbarey-cem? A yella tazzayey s wawal yer-m? Ney s tidet yer-m a weesey; tmexsayey-cem, ur zmirey ad cem hemley?

**Hilina:** Amma a cek trennid deg leafit n wechal-inu? Teđr-ay am tyerzult a Demetrius, cek trennid tigita, u neč renniy adeffer, d tamerxust. Saw-ay a tetsawid i uyerzul-nnek; hebd-aya, ut-aya, beđd-aya, şruh-aya, beşeh, mamek a lliy, surf-aya ȳef tict n tyawsa, ad as-defrey.

**Demetrius:** Ur renni-ca timmuxsi-inu, awi-d kan ad cem-ȝrey irenni seg aðan-inu.

**Hilina:** Neč yetduř-ay ma deg-k ur ȝerrey.

**Demetrius:** S wamma a cem tessudayed seg iman-nnem, ad tekred seg tayremt, u tesrusay-d iman-nnem s-ddu n ufus n wargaz ur ihemmel ad cem-yezr. Ad teğged rruh-nnem i lexla d wemkan-a iqefren.

**Hilina:** Welli-c matta a taggadey gara n wergaz n tlegmet am cek, ulac n tallest deg tiňt-inu sima ȳef udem-nnek tersa, yiđ ur yedliq-ca fellä ifriwen-nnes, neý tižgi-aya aytetyl ur tejbid-ca ȳef yudan d dunnit. Axaþer d cek d yudan d dunnit. Mamek mala yetwaqqar a neč s yexf-inu, u dunnit uk yer-i a tettaqqal.

**Demetrius:** Imir-a ad azley, ad defferey deg tgelzi, ad cem-ȝhey i imuzzuren n tižgi.

**Hilina:** Ulac n umuzzur ay yesean ul d tazrut am wul-nnek. Rweł melmi a texsed, luqqa ad meðranen nubat; Apollo ad yerwel u Daphne as-tay ȳef ljerret, adbır yetzagaz falku, u tadmut mi-talwit tethaha aksel. i mattami tamyawla sima tirrugza seg tiwdi treggel?

**Demetrius:** Ur tyimiç-ca da ad sley i useqsi-nnem ... eğğ-aya ad krey. Aqbel-aya, ma tetdefrid-aya, ad cem-rnunsey deg tižgi-aya.

**Hilina:** Akkas a thelkid-ay; deg ljamex, deg tayremt, deg tebhirt. D leib fell-ak a Demetrius! Teşşudayd deg-i ald welliy d taneggarut n wetmin-inu. Nečenti Ixalat ur yer-neý matta yellan yer-wen kenwi yergazen, tzemrem i lefrae bac ad tawdem u ad tadelim ula n wa a themlem. Netwagg bac yergazen ajen-theberem, yexda d necenti ad aken-niheberen.

Demetrius yerg

Ad ac-defferey ald ad xelqey tamsunt seg jahennama a tmexsayey, ur tmettiy s ufus n wa tictayey.

Terg.

**Oberon:** Yer temlilit a tahuuyt, ad m-ucey awal, ha-t ur yetrag-ca seg tabelęetłuct-a, u s-dat n wa ad yali was, d netta ad cem-yetdefferen, u cem a yireggelen

Yudef-d Puck.

Ad neşşuf yes-k ay ahewwas. Tewwid-ay-d-ca tanewwart?

**Puck:** Ha-tt-ay.

**Oberon:** Siy-ay-t. A neč sney cra n wecčib yef lqern n weylan, din mani a yigemmi zeeter aberri, newwar d uzeğgig aterteri n unaddam, fell-asen a weęean tişetwin d timeqranin tcuren d aderyis, d iluyma yetfuhen d lyasmin. Din a teşteş Titania qli n saeatin n yiđ, wern n wa yewwi seg-s ctih d yirar azgen. Din day a slullufen ifiyriwen tiselyin-nsen yezhan s lerhađ, yal tict seg-s tezmer ad t-ig tasurit i tjennit. Ad as-sersey qli seg iżem deg tiṭṭawin-nnes, ila ad as-bdan wa a yifuhen seg tmarjatin.

Ula d cek, axx qli n tuddimin seg-s, lli rzu yef ca n Athinit yendacen seg tayri n ca n wergaz a t-yetmexsayen. Sers-as qli n yiżem deg tiṭṭ-nnes, u ilaq d nettat d tamezwarut ad yeżer ald ad yaki. Ad as-tessen seg aruđ-nnes n Athina a yired. Ilaq day ad teqeled tyawsa, d netta ad yetnan iħeml-it ugar-nnes netta. Yer din ilaq-ak ay-temliled s-dat n ueuec amezwaru n igužad.

**Puck:** Ili-k deg talwit, ay aglid, axeddam-nnek, imir-a ad isawa matta as-tennid uk.

Rgen.

## *Asayes 2: AMKAN ID DEG TIZGI:*

Titania, taglidt n tezuyin, tudef-d gara n tesefin-nnes tizuyin.

***Titania:*** Asem-d, mlil-t, cedħ-t u ȣenna-t taġuct n izuq, lajna kre-t d yict n uðar ad txedmem Ixedmet-nnun. Yyið seg-wen ad nyen ikeċċawen a yetfeyyan iqermiđen n tnewwarin, u yyið ad menyen gara n teflallasin n yið u ad asen-awin ifriwen-nsen n weglim bac ad nexdem seg-sen ikebden i tneglusin-inu timeżyanin. Yyið ad tħen meئruf-in a yiżagen yadi fell-aney, win yetqerqaben u yesrebzayen yal yið yef tizuyin-ney igmammasen. Luq cnim-aya bac ad tsej, u kenwi rget ad tigem idfirin-nwen ġim-aya ad treysej.

Tizuyin cennant.

Tazuyt amezwarut:

Ifiyriwen s yilsiwen bdan  
Ay amyiwen ur tilit-ca d iflalen  
A buyyat n yijji ur tilit-ca d imejhaħen  
Ur dešset-ca s-dat n teglidt n izyuen.

Tizuyin yyið:

Ay arjij mm-icewwiqen  
Cna tacewwiqt-aya n dduħ  
Slilu, slilu a dduħ ... slilu, slilu a dduħ  
Ur teğga-ca imerrizen  
D wa a yifuħen s yer i gezzanen  
Ali-d s-tma n tgennunt yebhan  
In-as id d ameggaz s ucewwiġ yehlan.

Tazuyt amezwarut:

Ay iwellellaten bab iżetwen lli-t yadi  
Kre-t, kenwi ayet bab idarren izegraren  
Ur teħseħ-ka day, ay ixenfusen iberkanen  
Kenwi ay ifiyriwen d ikeċċawen ur tilit-ca d ifewwaħen

Tizuyin yyið:

Ay arjij mm-icewwiqen  
Cna tacewwiqt-aya n dduħ

Slilu, slilu a dduh ... slilu, slilu a dduh

Ur teğga-ca imerrizen

D wa a yifuhen s yer igezzanen

Ali-d s-tma n gennunt yebhan

In-as iđ d ameggaz s ucewwiq yeħlan.

**Tazyuyt wis sen:** Lli-t ad nekret! Luqqa timsal uk ħlant. Tict seg-ney ad tbed d taċessast.

Tizyuyin rgent.

Oberon yudef-d

**Oberon:** (Iżem, iżem deg abliwen n Titania). Sima tettekkid, mand d wa a hezriż d amezwaru? Qqel deg-s ma d asmun-nnem n tidet. Cehel-it u xsi-t, akud ma yella d ayerżul, d muc, d ayelyal, d aksel, ney d ilef. A yellan din alda ad takid ha-t d agennun-nnem. Aki-d ma tella d tyawsa a yifuhen s-tma-nnem.

Oberon yerg.

Lysander d Hermia udfen-d.

**Lysander:** A tagennunt-inu, a cem teggured ad ḥaduż seg tikli lhul deg ugelmam. U ad m-iniy tidet, a nečni nesseereq adrid. Eġġ ad neqqim qli, ma texsed, u ad nrāja alda ad tali tfawet u timusal ad sehlent.

**Hermia:** A hennid d widin a Lysander. Af-d qli n tyawsa ad d-tiged sedwek alda ad teħsed. U neč ad sersej yex-inu s-neg n tbaygart-aya amežyant.

**Lysander:** A nečni ad nejjem ad netteş isnin s-neg n wejmu. Ad yili yer-ney yict n wul, yict n wussu, sent n tefrisin, u yict n terjayin yethebien.

**Hermia:** Araħ a Lysander. Dmam, ȣef udem-inu, jbed ȣadi fellu qli u heħsed. Ur tetteċ-ċa s-tma-inu.

**Lysander:** Ah a taezizt n wul, ur xsey-ca tyawsa a yifuhen sima a nniy amma. Iħbiben alda ad utlayen, ulawen ilaq ad d-mlalen. A neč xsey berk ad iniy ulawen-nney ahen-mlalen-d, u yezmer ad nini ahen d yict n wul. Ifrisin-nney a yiredben ahent-qnent tict yer tict s wawal a nuca i yiman-ney, i mala llan-t sent n tefrisin u yict n terjayin yeħlan. Eġġ-ay ad tšeъ s-tma-nnem. U ma tšeъ s-tma-nnem a neč ad ilij d lqafez u acem-ħebrey.

**Hermia:** Lysander awal yeħlan d yiles yiżiđen. A neč ad ilij d taqeyyaṛt tuħriċt u tubxišt ma snej; a cek d bu-serkisen, ευευτ τ्हेर ȣadi amek yebbed qli fellu bac ad nwella amek yella ħal. At ilaq ȣef uzezri agnannas am cek d tehyuġt amibhayt am neč ad nili nebbed amma. Imri-a tazza ȣadi, u yiđ d ameggaz, ay aseif agennun. Ad sirmey aceħħal-nnem i neč ad yeqqim amma tmudri-nnek uk!

**Lysander:** Ammin. Ad sirmey tmudri-inu ad tuqqa s-dat n wa ad yuqqa aħebber-inu i cem. A neč ad tšeъ day. Yiđ d ameggaz.

**Hermia:** Yid d ameggaz.

Lysander d Hermia t̄sen. Robin yudef.

**Robin:** Ndey t̄zgi uk, mbesseh a neč ur ufiy-ca aked argaz seg Athina bac ad yessexdem tanewwart-aya a yexs. (yezra Lysander d Hermia) , rajat isnin, mand way a yirden arud n ayet bab n Athina? Way ur yettili kan argaz a yemmexsen tahuuyt din seg Athina. U ha-tt-ay tahuuyt, tettes s zhir deg tmurt a yilumsen. A tahuuyt yeħlan! Ha-t ur am-ilaq-ca ad teħsed s-tma n uctim am wa, argaz bla yul. (yessers iżem n tnewwart s-neg n wabel n Lysander) Amma, sessey tazmert uk n uqerrab-aya d tiṭṭawin-nnes. Alda ad d-takid, eġġ achal ad ac-yetlef; ur tewella-ca ad teħsed. Aki-d alda ad krey, imir-a ilaqq-ay ad ɛniy yer Oberon.

Robin yerg.

Demetrius d Helena udfen-d tazzalen.

**Helena:** Bed a Demetrius! Raja-d, ald ma tenyid-aya.

**Demetrius:** a neč qariy-am, reg s-yay, ur renni-ca ad ḥendek fellamma.

**Helena:** Ah, ay-teğged amma weħdi deg tallest? Ney yexda amma.

**Demetrius:** ɻim da yef zher-nnem. Neč ad ɣwiy weħdi.

**Demetrius,** yerg

**Helena:** Ah, tebbi tneffut-inu s tizla-aya n imuđan. Ugar a tzalliy, ddwa a tnejlayey fellas. Hermia tanewwart ani tella, xat̄ter yer-s ɛezzi n tiṭṭaw. Amek wellant tebṛurriqent? Yexda seg sebrurreg. Ma yella amma, imet̄tawen saraden iṭṭawin-inu nezzeh ugar nettat. Araħ, neč becsejy am cadi, xat̄er dduban ay-yiżerren reglen seg-i seg tiwdi. Mala welli-ca n unegrez sima Demetrius iruggel seg-i ma henni-d d tazjuyt ay-lliż. Matta n tucmit d tisit a yikelħen u teğġ-aya txemmey ad ilij d tlelluct i tiṭṭawin n Hermia, ibeggaśin am yetran? (tezra Lysander) Beşseh mand wa day? Lysander, d tmurt? Yemmut ney yettes? Ur ɣriy-ca ma llan idammen ney lejrah –Lysander, ma tedred, aki-d.

**Lysander:** (Yuki-d) ad surfey aked l-leafit ma hennid-ay suref-it. A cem teħlid, tettebṛurruqed a Helena ! Ma hennid d yemm-as n tgama a yeğġin ad ɣrej deg ul-nnem, ma hennid s tqerrabt. Mani yella Demetrius? Ah, a neč xsey ad njejj aduni-aya s ugestur-inu ma qumey.

**Helena:** Ur qqar-ca ammin a Lysander. Ur qqar-ca ammin. Mayef trezzud ma yetticta Hermia? Matta fell-as? Hermia ur tuc tetticta-t, i mala ili d uržin.

**Lysander:** D uržin gara n Hermia? Araħ. A neč ɣagey seg Imiziriyya taġuggalt a nesedda gara-nnes. Ur tictiy-ca Hermia, tictiy Helena. Mand wa ur yetticta-t tadbiżt ugar n ujaref? Timefrin n wergaz twarnayent i walli-nnes yebgan, u ha-t d asuggen ad tuħebred ugar n Hermia. Lfakit d l-kejret ur tnawen-ca kan deg tsemħuyt a yiqedden n usuggas. Ammin, a neč d alemzi u šber-inu daya ani yemma. ɻef

uneggaru a neč qumey ad ʐrey tfawet. Imer yerni timexsiyyin-inu. Ha-t teqqar-ay ad xəzrey deg tiṭṭawin-nnem, ani ʐerrey tineffusin n wechal a yellan ur twaktayen-ca akkas.

**Helena:** Mayef yudan uk deşşen fellə? Matta xedmey bac ad tiged deg-i amma? A yella maci lhul, a yella maci lhul, ay argaz, ur lliy-ca һliy amek ilaq bac ad yexzer yer-i Demetrius? A yella texsed ad tirared s iħulfan-inu? Ah, ay aħellaq-inu, Ha-t ur k-ilaq-ca ad ay-thebred s tezwer, d zzux amma. Beşseħ azul. Ilqa-ay-d ad k-iniż, amma, yella yetban-ay-d d uħnin a tellid labas. Ah, matta a yifuħ i tmetħut ad as-yebbed wergaz u ad terni ad t-usniret s wa a yiżagen s yer yict.


Helena terg.

**Lysander:** Ur tezri-ca Hermia, ȳim teħseđ, ur renni-ca ad d-hased s-tma-inu xlaš! Tmucit n lhul n tažedya yeteğħa yudan d imuðan seg iċeċidzen-nsen, u neħni-temmexsayen lehwayeren a yigin deg wa a yiċeddan; xiralla n yudan a yetemmexsayen lehwayeren. Hermia, cem d tažedya, tciy seg-m lhul, aked d lehwayeren a yelliy tsawiy, imala a neč t-mexsayej-cem ugar n yudan uk. Amm-a s-ya ad sawiż i wami nejmey d wa a yesnej uk ad remgej Helen u ad awiż isey-nnes.

Lysander yerg.

**Hermia:** (tuki-d) fukk-aya, a Lysander, fukk-aya! Kkes fiyer-ay seg iħarrēn-inu. Ah, ay aħellaq! Matta n turjat tafewwaħt a yeżriż imir-a berk! Lysander, qquel mamek a tqeqfufayej seg tiwdi. Sxall-aya fiyer itet deg ul-inu u cek s-dat-i tethennid u tdeşşed. Lysander! –Matta tekker? Lysander, agellid-inu! Matta ur ay-yetsella-ca? Yekker? Welli-ca n nez, welli-ca ula d tyawsa? Ah, ay aħellaq, mani tellid? Ini tyawsa ma tetsellid-ay-d. Ini tyawsa, Dmam! A nečč aħadau seg tiwdi. Ula d tyawsa? Yetban-ay-d ur tellid-ca s-tma-inu. Luqqa ad ac-fey ney ad mtey anic mani yebbed.

Hermia terg.



# ASEKIR 3

## *Asayes 1: DEG TIZGI :*

Ani Titania teṭṭeş s-neg n rekkabt, iferkusen: Bottom, Quince, Flute, Snug, Snout d Straveling, udfen-d.

**Bottom:** A nečni uk da.

**Quince:** Deg imer a yiqadden. D way d amkan a yeħlan bac ad neqdec. Afraq-aya ad yili d tarekkabt-nney, u tašett̄iwt-aya n idmim, d taddart n waruđ. Eġġ ad nebda tamezgunt-nney amek ilaq, amek ad t-ili s-dat n weglid.

**Bottom:** Peter Quince.

**Quince:** Matta yellan a Bottom yeħlan.

**Bottom:** Llant tyawsiwin deg tmellayt-aya n Pyramus d Thisbe a yellan ur asen-zmiren-ca akkas. Tamezwarut-nsen, Pyramus ilaq-as ad yejbed a gestur-nnes u ad yeny iman-nnes, u tay Ixalat, seg-yya a yesyaden, ur ad t-ħemmlen-ca. Matta ilaq ad nig deg-s?

**Snout:** S uhellaq, tay d tamukrist n tidet, ney arah.

**Starveling:** Yetban-ay-d ad nekkes imenji uk, ad nxemmem deg-s.

**Bottom:** Araħ! Ha-t yer-i ayawas ad isegmen timusal uk. Mru-ay-t ađris a yellan ad nejmey ad ktiy s-dat n wa ad tebda tamezgunt. Ad asen-iniy deg-s; a nečni ur netfeğġex-ca aked yict s igestar-nney, u Pyramus ha-t ur yemmut-ca seh. U bac ad neġ tifaw nezzeh, ad nqum ad asen-ini a neč tirarey amur n Pyramus, Mbeşseħ maci d Pyramus n tidet, axaṭṭer neč d Bottom bab n użetta. Tay ad ahen-teğ ur taggaden-ca.

**Quince:** Tidet, a nečni ad nsawa matta yellan deg-s. A nečni ad t-nemru deg twerqett jar n tmanyā d tesxa n lexyuđ, Am tsefrut tameżyant.

**Bottom:** Araħ, rni deg-s sent n tunqiqin.

**Snout:** Ures Ixalat ad agdent-ca seg arr?

**Starveling:** Neč snuzgmey seg tay nezzeh.

**Bottom:** Ay agennun, ilaq ad txemmem gara n yiman-nnun, ad d-awim, ma yessuref uhellaq, arr deg ammas n tsednan, ha-t d amerrig n şseħ. Ulac seg luħuc iberrianiyen a yessagaden milħ am warr yedren, u ilaq ad nesmekti ta.

**Snout:** I mala ad nexs ađris yiġ bac ad d-nini i yal yict; arr-aya ha-t yexda n tidet.

**Bottom:** Araḥ, ad nejjem berk ad nini isem n uxedd़im n umayag, u ad neğ yexf-nnes ad yerg seg aruḍ n warr, U ad yini tyawsä i yiman-nnes. Ilaq-as ad yini amma; ney ad yini tyawsä tict i win a yegden: “ a tisednan” ney “a Ixalat tigennunin”, “a neč xsey ad kem-tesseqşıy, a neč xsey s-yer-went tyawsä” ney “a neč xsey ad kem-hendey, ur taggad-ca, ur terjajay-ca si tiwdi”. A neč tqadarey tmudri n kempt am tay-inu. Ma txemmem a neč d arr n tidet, a neč ad ssewsey tmudri-inu. Beşşeh arah a neč xdiy akkas d arr. Nečč d argaz, am yergazen yiḍ. U layna ilaq-as ad yini isem n uxedd़im-nnes, ad asen-yini neč d Snug aseqqaf.

**Quince:** D tidet, Hamma ad nig mala. Beşşeh werəad-aney sent n tyawsiwin ay ilaq-ney ad nesmekti. Mamek ad nexdem bac ad nawi taziri i ugur? Xaṭer, amek tesnem, Pyramus d Thisbe ad d-mlalen yer tziri.

**Snout:** Ad yali-ca ugur ald ad nili nxeddem deg umezgun?

**Bottom:** Ad nexs talwiht! Qel-t deg taqburt. Ha-tt-ay taziri, ha-tt-ay taziri !

**Quince:** (yerfed adlis) Hih, gur ad d-iban yiḍ din.

**Bottom:** yeħla mala, ad tqumem ad teğġem yict seg ttiqan yennefdek yef afrag ameqrañ mani ad nig amezgun, bac taziri ad d-tut deg-s.

**Quince:** Hih, ney yict seg-wen ad yerfed takemmust n yesären u ad d-yini a neč usiy-d bac ad igey tfawet n tziri u ad t-ssensey. Xaṭer argaz s-ddu n ugur izmer-as ad yerfed gara-nnes işären d tazdemt. Beşşeh ha-t teqqim tmukrist tict; a nečni nexs ad yili yer-ney insi deg ufrag ufšíh, xáter deg tneffust, Pyramus d Thisbe utlayen yef insi d amežyan deg ufrag.

**Snout:** A cek ur tetqewwamed-ca ad hawid insi akkas. Matta tennid a Bottom?

**Bottom:** Yict ilaq ad yirar amur n weylad, ilaq-as ad d-yessers qli n uluḍ ney tlaxt yef iman-nnes bac ad iwerra i yya a yettaqqalen ha-t d insi. Ha-t-a ad inejjem ad yig ifassen-nnes amma, u Pyramus d Thisbe ad qumen ad utlayen yef ceqket-aya.

**Quince:** Mda nqum ad nig amma, tiyawsiwin uk ad ilint amek ilaq. Luqqa yim-t, yal yict, ad nesniles imuren-nney - Pyramus, bda cek. Alda ad tekfid ijerriden-nnek, ugur ffer iman-nnek deg gelmam-inni. Yal yict ad yugur yadi aked netta ma ur tellam-ca s-neg n trekkabt.

**Robin:** yudef-d s-neg n imayagen yellan s-neg n trekkabt, yict ur t-yezri.

**Robin:** (yettutlay yer iman-nnes) Mand d tikubay-aya n tmurt ay yetteżniggiren s-tma ani teṭṭeş teglidt n izuŷay? Matta? Gguren ad igen tamezungut? Luqqa ad qley. U ma xsey ad ssidfej deg-s aked iman-inu.

**Quince:** Pyramus, utlay.Thisbe, Lli-d.

**Bottom:** (am Pyramus) Thisbe, tinewwarin n tuzzut yeħlan nezzeħ.

**Quince:** "Tigummatin", "tigummatin".

**Bottom:** (Am Pyramus) – tigumatin d tizzutin ahen am tneffut-nnek, a Thisbe agennun. Beşseħ a yella wa d tuzzut! Raja-t da tikelt. Luqqa ad d-welliy.

Bottom yerg.

Robin: (yettutlay yer iman-nnes) d way d Pyramus.

Robin yerg.

**Flute:** Ilaq-ay-d-ca ad utlayey luqqa?

**Quince:** Hih, cek ilaq-ak ad d-baned amek tzemred. Pyramus yerg luqqa berk bac ad yeżr yer uqerqeb a yesla, u tura ad iwella.

**Flute:** (Am Thisbe) Pyramus faw, a cek d amellal am ulili, d ikel azuggay am tnewwart d tazuggayt deg tsettiwt n tnewwarin, d alemzi d ahwawi u d uday d agennun. A cek tufed am ugis ur ireffed-ca dar. A neč ad c-mlaley, a Pyramus, yer tendelt n Ninny.

Quince: Tay "tendelt n Ninus", a yargaz. Ur qqar-ca way uk luqqa. Ilaq-ak ad tigid seg-s qli, taririt i Pyramus. A cek tennid ijerriġen-nnek uk, luqqa berk, di tedqiqt. Pyramus, adef-d. A cek tettud amektar-nnek. Ha-t "ur yetteylib akkas".

**Flute:** Ah! (am Thisbe) d asħiħ am ugis, akkas ur yetreddef dar.

Robin yudef-d gara n Bottom, s yexf n weyyul deg umkan n uxeddha.

Bottom: (Am Pyramus) mda ad iliy d agmammas, ay agennun-inu Thisbe, ad qqimex tixsayej-t netta kan.

**Quince:** Fus! At d amerrig! A nečni netwawtay. Zlet, yal yict ad yazzel, zlet!

Quince, Flute, Snug, Snout d Stareveling rgen.

**Quince:** Luqqa ad d-asey wern-awen. Imira ad ndey fell-awen am tħewwirin, yef leħċawec d legmat d tneywin d isennanen. Qli berk ad welliy d insi, l'hurat am slugi ney am yilef ney d akerkaden bla yexf. L'hurat ad welliy am usayed! U ad zewkey am ugis u ad beewqey am slugi u ad cexrey am yilef u ad rfiy am ukerkaden ad ryey am leafit deg yal n terdast n ucal.

Robin yerg.

**Bottom:** Mayef a tregglem? Way d atmesxer-nsen bac ad ay-tagħdem.

Snout yudef-d

**Snout:** Ah, Bottom, a cek tetnekfled! Matta tigid s-neg n yexf-nnek?

**Bottom:** Matta yesxill-ak igiy s-neg n yexf inu? A cek tetegged am weyyul amma yesxill-ak?

Snout yerg.

Quince yudef-d.

**Quince:** Ad cek-yehfed uħellaq, a Bottom, ad cek-yehfed. Tlul-d d atrar.

Quince yerg.

**Bottom:** A neč żriy matta xsen. Xsen ad ay-yuean d aqyul, ad ay-ssagden ma qumen. Beşseħ ur tnekkarey-ca seg treqquct-aya, a xsen sawant. Imir-a ad nekšeġ d asawen u ad cnuy tayuct, bac ad snen a neč ur uggidey-ca.

Can:

Aġdiġ aquggal s yic-nnes aberkan

D uneqqab-nnes aċċini s wewray

Aserrenran yeħlan

D uċċurret n umeqnin aleqqay.

**Titania:** (Tuki-d) Mand d aneglus-aya ay-sekren seg ussu-inu n tnewwarin?

**Bottom:** (Icennu),

Ameqnin, tasiwant d bu-żemmir  
D ugażid uzwir s can-nnes ahwawi  
Xirella n yudan as-yetsellan  
Beşseħ ur zmiren ad as-inin uea yadi.

Tidet ur tqewwamen-ca ad t-inin: “araħ!” Mand wa yešruħayen imer-nnes; yettutlay ġer ugħid abuhali am way! Mand wa yesserban iman-nnes bac ad yeqbel agdid bus-kisen, aqed ma yeqqar-as tameħħut-nnek ay yetteg wern-ak.

**Titania:** Dmam, rni cna tikelt tict, ay amdan yeħlan. A neč ttictiy ad sely i tgerzi-nnek, u ttictiy ad aqley deg lefrist-nnek. A neč sneyġ-c seg l-Imerret tamezwarut sima a c-żriy s-dati, beşseħ a cek d agmamas ald ur qumey-ka ad ġġallej a neč ceħley-c.

**Bottom:** A neč ur ay-sxal-ca ġer-m nezzeh n tayzent bac ay-tceħled. Tayzent d wechal drus a ġer-sen ad t-igen deg ussan-aya. Asseif-nsen ha-t ifuħ mliħ, tikrusin ur iqum-ca ahen-iwerra. Ha, ha! A neč tmesxarey berk.

***Titania:*** A cek teħlil amek tellid d amrir.

***Bottom:*** Araħ, texħa d tidet. Mda lliy d akesma amek iqed bac ad ryeġ deg tiżgi-aya, din ad iliy d amrir u ad rniy deg iman-inu.

***Titania:*** Ur snuzgum-ca xāter texsed ad tekred seg tiżgi-aya, a cek ad teqqimed da texsed ney temmexsed. A neč xdiy d tazyuýt d tamebcaċut. Neč d tagħidt n unebdu, u a neč cehley-c. Imala lli-d gara-inu. Ad k-ucey tizyuġin, ad k-wellan d tixeddamin, u ad k-d-awin urġawen seg ibaṭten n wegraw, u ad k-cnan ma tellid teħsed deg ussu n newwar. A neč ad c-uċiġi d azyuġ am nečni, ur tetmettid-ca amek a tmettan yudan uk. Peaseblossom, Cobweb, Moth d Mustardseed! Lli-t-d awra.

Kuż n tezyuġin; Peaseblossom, Cobweb, Moth d Mustardseed, udfen-d.

***Peaseblossom:*** A nečn-ay din.

***Cobweb:*** Aked neč.

***Mōth:*** Aked neč.

***Mustardseed:*** Ula d neč.

***Uk:*** Mani a yilaq fell-aney ad nili?

***Titania:*** Ili-t d ukyisen d irżinen gara n wergaz-aya yeħlan. Ugur-t gara-nnes akkas. Nekšim-as u ad cedħim-as. Setcim-as aberquq, tabqa, tiżurin timurriyin, tibexsisin tizewwarin d tizwelt. Aker-t tamemt s-yer irżeżżeżaten, u ad xdem-t tisijat in seg deqqis n tizwa. Sfaw-t-hen s ufaw n tellitrat, bac aceħħal-inu ad iwella yer-s, faw adla ad yeċċa ad yettes u alda ad yaki. Nebc-t ifriwen a yireqmen n iferġetta, ig-t seg-sen tanecċact ayes ad teksem taziri yef tiżżeġwin-nnes ma yettes. Adri-tt-as, a tizyuġin, u tħebrem-t.

***Peaseblossom:*** Azul, ay amenċay.

***Cobweb:*** Azul.

***Moth:*** Azul.

***Mustardseed:*** Azul.

***Bottom:*** A neč xsej assuref-nnun, ayergazen yeħlan. Dmam, in-ay-d Ixedmet-nnek matta-t, a mas?

***Cobweb:*** Cobweb.

***Bottom:*** A neč, mda a ufiy, xsej ad c-snay ugħar, a mas. Cobweb. Ma bbiż-żejj idha, ad c-igex d tajbirt bac ad hebsej idammen. U Ixedmet-nnek, a mas?.

**Peaseblossom:** Peaseblossom.

**Bottom:** Dmam, awi swal-inu i yemma-k, lla Peapod, d baba-k mas Peapod. Yehla, a mas. Peaseblossom, A neč ad c-sney nezzeh ula d cek. U cek, zerrey ad c-sseqşıy yef Ixedmet-nnek, a mas?

**Mustardseed:** Mustardseed.

**Bottom:** Yehla, a mas Mustardseed. A neč sney-c mlih. Tigzimin-aya timeqranin n weksum nehnti, s wexnun-nnes, a yeğgin labas n igamamen n wexxam-nnek ad t-watcen am iqellaes n weksum. Ad k-ğgalley, xirella n igamamen n wexxam-nnek ğin-t tiṭṭaw-inu tazzalent s waman. A neč ad qley nezzeh bac ad c-sney nezzeh a mas Mustardseed.

**Titania:** Qqel yer-s s wami a tqum-d. Awi-t yer wemkan mani a teṭṭsey. Ugur ha-t yetban-d d ameycuc. Ma terfid, aked tinewwarin timeżyanin uk tseyyadent. Ahent d timeycac, xaṭer yict ha-t yettuhebbes u yetteg-ca uzzuf ; ney ha-t yeteggi-t s-neg n wul-nnes. Eġġ aħbib-inu yessusem. Awi-h-d yer-i s tsusmi.

Rgen uk.

## *Asayes 2: DEG TIZGI:*

**Oberon:** A neč behrey ma Titania ur tuc tuki (...). A neč behrey matta tella tyawsa tamezwarut a tezra. A texs tella, imir-a ila ha-tt tuđu s wul-nnes uk deg uchal gara-nnes.

**Robin:** yudef-d.

**Robin:** Taglidt-inu Titania ha-t tuđu deg uchal gara n wezyuy. Sima tella tet̄tes s-neg n wussu-nnes n newwar, usin-d cra n iceqlalen d ibuhaliyen, cra n ixeddamen ay yilumsen seg Athina, mlalen-d s-tma-nnes bac ad snilsen-ca n umezgun a wejden i was n yislan n Theseus. Abuhalı ameqran wa a yigin amur n Pyramus deg mezgun, yekfa asayes-nnes u yeña yeqqim yer illegmamen, yetraja azamul-nnes. Ufiy-t deg tikelt a yiqadan bac ad şendđey yexf n weyyul s-neg n yexf-nnes. Sima tewwed ddalt-nnes, ad iwella yer trekkabt bac ad yutlay yer Thisbe-nnes, yerg-d seg ugelmam u yal yict yežer-it. Isəifen-nnes tewlen ami qumen u mferzaen sima slin i tgita n lfuci n unegmar. Yict seg-sen qli yemmut seg tiwdi, isa yessiwel-d: "amenyay". Sima yesla i yisurifen-inu, u ilaya-d yef tallalt s-yer ayet bab n Athina. Nehni gden uk ald ma fifin u ttun tanefrayt-nsen. Bdan trebzan seg tyawsiwin ur twazrayen-ca, terajayen seg isennanan deg tmessawtin a yenden deg arud-nsen, isa bdan weeđan lekmamat d tkebsin-nsen. Rriy-hen deg umedwal-aya n tiwdi d utrebzi, u ġiy Pyramus yeħlan yadi, ibed am yict yer-s yexf n weyyul. Deg tikelt din, tuki-d Titania u din, din tuđu deg achal gara-nnes, d ayyul.

**Oberon:** Ha-t teggur amek iqada ugar n wa a sujdey. Beşseħ tegrid-ca n yiżem n wechal n tnewwarin deg tit̄tawin n wathini din, amek a k-nniy?

**Robin:** Hih, ufiy-t sima yella yet̄tes, amek iqada milħ, u tameħħut di-n seg Athina tella tet̄tes s-tma-nnes. Sima d-yuki, ad yili yežri-t.

Demetrius d Hermia udfen-d.

**Oberon:** (Yettutlay amek ad iqum ad as-yesl Robin berk) Rwel yadi. Ha-t-in wathini yeggur-d seg-yun.

**Robin:** (Yettutlay amek ad iqum ad as-yesl Oberon berk) Tidin d tameħħut ay-żriy, yexf seg tenzert, beşseħ argaz-aya yexda am win a żriy.

**Demetrius:** Mayef a cem d tuħricht gara n yict iceħli-cem xirella? Ffer taġmeħt di-n izewren seg iles i wuctim seg iyrimen-nnem.

**Hermia:** A neč tnuyej-c berk luqqa, beşseħ ha-t ilaq-ay ad k-sawiy lhul n wa ay yifuhēn. Xa̹ter yetban-ay-d a cek tessiġ-ay-d ġil s mayas ad c-xziy. Ma tenyid Lysander sima yella yet̄tes, a cek aydin tbedded u ibuqbihen-nnek deg ammas n idammen. Ilaq-ak ad tnegzed yer tala n idammen u ay-tenyed aked neč. Ha-t yella

gara-inu d neyyet am tfukt n wass. Ad yili yerwel fella sima lliy tsey? Ad tadef tutlayt-aya ul-inu alda ay-tyl yekka wuyzu deg ummas n tmurt, u gur yezmer ad ieedda fell-as yer teymert-in. Yict n tyawsa yeħlan, tenyi-t. Wa a yenjin yezmer ad d-iban am cek, d awray u d imetway.

**Demetrius:** Yict a yetwanyen ilaq-as ad iban hamma, u hamma a tbaney. A cem tebbid ul-inu s tezwer-nnem, u imir-a, a cem d amenyay, tifaw-d, tetterqiqqied am yetri deg ujenna.

**Hermia:** Matta yexs wa ad yig s Lysander inu? Mani yella? Ah, a Lysander yeħlan, ad tellid-ca bac ay-tafed?

**Demetrius:** Ay yeħlan, ad ssetcey lefrist-nnes i yiðan.

**Hermia:** Reg fella, ay ayeżżul! Tessuqid-aya timallatin n yexf. Tenyi-t mala? Seg tikelt-aya tu eid, a neč ur taqqaley-ca deg-k d amdan. Ah! Ini tidet deg tict n tikelt berk. Ini tidet yef udem-inu berk. Themled-ca ad teżred deg-s sima yella yettes? Ah! D abehlul a tellid. Fiyer ad inejjem ad isawa amma amek a tsawid. Fiyer ad iqum ad t-yig, xat替 ha-t ur yelli-ca d bu-serkisen am cek.

**Demetrius:** A cem amek tellid, ur nemqadi-ca yef uharrar a nniy. A neč ur nyiż-ca Lysander. U amek a snej, ha-t ur yemmut-ca uk.

**Hermia:** Mala dmam in-ay, ha-t amek iqada, d azedgan.

**Demetrius:** U ma nniżam a yellan. Matta ad rebħey seg-s?

**Hermia:** Aglam n wezraw-inu ugar. Imir-a ad krey ad ġey dyel n lmeħqraniyet. Ur teqqimed ay-teżred, yemmut ney yedder.

Hermia terg.

**Demetrius:** Ur tqewwamey-ca ad lliy wern-as sima d tajrut n tuzea amma. Mala ad qqimey day qli. Anezgum irenni milħ ma yella ur teftised-ca mlħi. Eġġ ad ȳfuy qli da. (Demetrius yuder u yedleq ad yeyfu qli).

**Oberon:** (i Robin) Matta tigid? A cek tsawid amerrig u tegrid iżem n uchal i yict id, ha-t yeğġin yuđu s wul-nnes n şseħ. Xāter amerrig-aya n uchal n tidet i yict id ilaq ad iwella d rezyet, mani achal n luhi i wergaz-aya tu ei-t d achal n tidet.

**Robin:** Tajrut am tay, lazem ad tili d tajrut. Way d amedwl n umadali. Yef yal argaz bu-niyyet i wechal-nnes, akkas keffan tazzalen wern n teħbibt tict.

**Oberon:** Nneċċ yef tizgi, d amywel ugar n wađu, awelli ad tafed-ca Helena n Athina. Ha-t d tmađunt seg uchal, u udem-nnes iwella d iwriy seg assuktu a hella tetteg,

xaṭer assuktu ifuh i yidammen. Xca-h-d awra s qli n ukelleḥ d üzeker; u ad as-grey taqerrabt yef tiṭṭaw ald ad d-tawwed.

**Robin:** Ugurey, ugurey, qquel yer-i a neč ugurey, ugar n tneccabt nTartar.

Robin yerg.

**Oberon:** (Yesrusay iżem n tnewwart deg abliwen n Demetrius). Cem a tanewwart tagerjnit, ut s uneccab n Kupid, emmegħi deg ul n tiṭṭawin n wergaz-aya. Ald ad yeżr tħuyut ilaq ad t-yeċċel, ad t-yeġ tetban-d yer-s am yetri n tmeddit. Ay aħeżri ald ad takid, ma tella s-tma-nnek, sutri-t, ad c-teggenfa seg umadañ n wechal-nnek .

Robin yudef-d.

**Robin:** Helena ha-tt da berk. Aħeżri a kelħey ha-t din aked netta, yessutur deg-s bac ad t-wella tetticta-t. A yella ilaq fell-aney ad neqqim ad nettaqqal deg rezyet n usayes-aya? Aya ħellaq, matta n tibbuhla n imenayen-aya!

**Oberon:** Rweħi yadi. S nfees a teggen ad sekren Demetrius.

**Robin:** Imala isnin ad fren wern n tict n teħuyut. Tay ad tili teččur d taħħa, u ihuligen d tħawsa a tectiy mlih.

Lysander d Helena udfen-d.

**Lysander:** Mayef am-yetban a neč tirarey yes-m sima am-qquarey tictiy-cem. Yudan ur sebrurugen-ca ald ad ősesen yef yict. Qfel, ad ġallej a neč tictiy-cem, illey, u yict ma yila ald ad yuc awal, ha-t dima yeqqar tidet. Yetban-am-d a neč sserkusey fellam, ma yella iberrugen inu qqaren a neč d utbit.

**Helena:** A cek twellid d bu-serkisen ugar d ugar. Tucid yict n wawal i neč d Hermia, cukkey yexda d tidet! Araħ d aserkis. Awal ay-tucid ha-t i Hermia. Ay yella tegġured ad teğġed? Mda ad nuex awal ay-tuci-d gara n wawal as-tucid, ad yerg yict d netta. Ur qeṭtan-ca aked d tħawsa. Ahen d iserkisen.

**Lysander:** Ur Iliy-ca txemmey amek iqada sima uciy-as awal.

**Helena:** Aked luqqa a cek ttxemmed xirella, sima terziż awal a tucid.

**Lysander:** Demetrius yetticta-t nettat, u yetemmexsay-icem cem.

**Demetrius:** (yettaki-d) Ah Helena, a tmibhayt, a cem d tagennunt, d tagernazt am thurit! Gara n matta zemrey ad serwsey tiṭṭawin-nnem? Tiexeqqayin ahent ur zdigħi am nehenti. Ah, tixenfirin-nnem recment, tict tleqqef tict! Temlel n wedfel izedgen deg yexf n wedrar tetban-d d taberkant am wafer n ujaref s-dat n temlel n ifassen-nnem. Ah, Eġġ-aya ad ssudnej fus-nnem amellal, mibhay. Ha-t texs ay-teġ d anegraz!

**Helena:** Ahwa seg-k! A neč taqqaley deg-k ur tucid texsed ad tənded u ad tedşed fella. Mda yella yer-k qli n cber, ur tellid ay-tiged amma. Ay yella ur k-yezmir ay-temmexsed, amek tetegged? Ay yella ur tucid tzemred ad tilid amek iqed u ay-theqred? Mda tellam d irgazen, amek texsem ad tilim, yella ur teteggem-ca i tzezrit ammay. Tessaramed ad tuced awal, u tketti-d tamuli yef thusi-inu, mani kenwi isnin, d tidet, tetemmexsayem akud ay-teżrem. A kenwi tetnecwlem yef uchal n Hermia, u luq, a kenwi tetaqqał-m mand d wa ad ay-igen d tađşa ugar. Tay d tiki d tameqrant, tyawsa n tirrugza i waggay a tetsawam, tavyuyt taqellilt tzeħħeg!

**Lysander:** Ur tili-ca d azewwar a Demetrius. Sney-c tceħled Hermia. Amma sya, ad ġalley a neč beħley aħewwes fell-as, u ad t-ħejja i cek. Deg amkan-nnes, beħħel achal n Helena, d neč a t-icehlen, u ad qqimey tictiy-t alda ad mtey.

**Helena:** Aked amdan yetteg xirella n żbaż berk bac ad yeds yef yict id.

**Demetrius:** Lysander, tħieff Hermia-nnek. A neč ur texsey-ca. Ma lliy cehley-t dima, achal din iċċedda imir-a. Achal-inu i nettat yella d lħurat. Luqqa ad cehley Helena labas.

**Lysander:** Helena, d aserkis.

**Demetrius:** Ur qqar-ca awal ifuhen yef uchal, ney a cek ad tselked azal. Qqel ha-t tusid tmeħħut a tettictid.

Hermia tudef-d.

**Hermia:** Ha-t yuexer bac ad teżred amek ilaq di tallest n yið, besseħha ha-t d ushil ad tesled nezzeh. A neč ur qumey-ca ad ac-żrey a Lysander, besseħha a neč sliż awal-nnek, u amma ac-ufiy. Mayef a tekred s tezwer u teğġid-ay weħħdi?

**Lysander:** Mayef tayimit u achal yeqqar kker?

**Hermia:** Besseħha matta n wechal ad yeğġen Lysander-inu ad yekker fella?

**Lysander:** Ilaq fellu ad żżley i wechal-inu, Helena d tmibhayt, tin a yesfawen yið ugar n yetran yetterqiqqiex. Mayef a trezzud fellu? A yella ur tezmired-ca ad tettud tnukri-inu fellu-m, xaṭer tmexsayej-cem.

**Hermia:** Ur tezmired ad tinid a texsed ha-t d leib.

**Helena:** Mala aked nettat ha-t deg-s! Luqq-a mamek a żerrey nehni d krađ mlalen-d bac ad iraren akelleħ-aya uctim fellu. Hermia d tasertayt, cem d tavyuyt d tafewwaħt, tegrid iman-nnem gara n sen-aya bac ad tmeħxrem yes-i deg azday-aya n unezgum? Tettu-d imecwaren a nutlay jmiex, imer a nesċedda jmiex, nella nessaram ur netmfraq -ca, a yella tettud? Tettud tiddukla-nney deg ussan-nney n uyerbaz, tamelsayt n temži-nney? Ass mani nella netyima jmiex u ngenni tict n tzeġġigt s sen n tissegħaw-nney, ngenni-t deg yict n ubedrān, neqqim yef tict n tjertilt, ncennu tict n tayuct s tict n

tgerzi, ma hennid ifassen-nney, tiyemray-nney, iherraren-nney d wallen-nney nedđen di beęđasen. Nemyer jmię am sent n temlukin - ay yetbanent msefraqent mbesseh ead ur ucint jmię – sent n temlukin timibhayin deg tict n teslit. Netteflala-d ma hennid yer-ney sent n tefrisin yebđan, mbesseh yict n wul. Texsed ad turzid yef tiddukla-nney taqbur s wemlali n yergazen-aya bac ad tsebbbed ameddukel-nnek ażawali? At ur iqed-c, u maci si tumriyyet n twetmin. Lxalat uk ad yuccent ma tigid, aked ma lliy d tawhidt i yendurren seg-s.

**Hermia:** A neč behrey neqqad s matta teqqared. Maci tsebbey deg-m. at terwes ma hennid tetsebbbed deg neč.

**Helena:** Ayya-d, sqiř. Ur tenkid-ca Lysander, ad ay-ideffer u ad iberreħ yef tiṭṭawin-inu d wudem-inu? Ay yella ur tigid-c sug aħbib-nnem id, Demetrios – a yyireklen s uđar-nnes daya ani – ad-ay-ilaya d trebbi d tameyrus, tuęę́r iwufay, yer-s azal, d lexliqt n temsunt? Mayef yettutlay amma i tehyuyt a yellan ur yezmir ad yeħmel? U mayef Lysander yeteffer belli at yetticta-cem, u netta yetticta-cem yer iżurān? Mayef ad-ay-yeneet tmuxsi ani tella, aked ma tennid-as, fell-a-as? Matta yellan fell-a-as ma ur lliy-c d timżeħħert niy d tasmunt am cem u achal i teddrey ur yettuxellaş-c? Ilaq acem-ciffey yef sebbet-aya, maci ay-ad-temmexsed.

**Hermia:** Ur żriy-c yef matta tettutlayed.

**Helena:** Buh, yeħla. Amek iqada, εeffeş fell-as, hada yef yirar-aya-nnem, sers iman-nnem d tuħnint, mbesseh sidin ad nmessħ yef beęđa-ney u ȳmez u igg-aya bu-sen n wudmawen alda ad-dernej tiġerdin-inu. Yim deg irar-aya nnem ay yijebbdan aman. A cem txedmed s terzeggi di temsalt-aya, qli n yict ilaq ad yaru zmam fell-as. Mda yella yer-m qli n negget n uħenned, ney n tiggayt, ur tellid-c ad tessersed iman-nnem tetnuyed fella hamma. I Mala yim di talwit, ha-t d amerrig-inu, sima acem-defrey yer da. Tnekkarey -ney tmiettiy- ad ssersey tiṭṭ-inu yef matta a yellan.

**Lysander:** Yim, a Helena taħnint. Sell i usuref-inu. Aceħħal-inu, tmudri-inu, iman-inu, tuzyint Helena !

**Helena:** Ta teħla.

**Hermia:** (i Lysander) Ur ad-t-sebb-c ammin, ay agerruj-inu Lysander.

**Demetrios:** (i Lysander) Ma yella dmam n Hermia ur yezmir-c ad-c-ihebbes sug asebbi n Helena, zemrey neč ad-c-ħebsey s uyil.

**Lysander:** Ur zmired-c s uyil neqqad i tezmer Hermia s udemmam. Ağallii-nnek ur yif-ca asebrurreg-nnes nettat.- Helena, ceħley-cem. Ad ġalley fell-as. Ad-m-ucey tmudri-inu i cem, kan ad beyyen d aterraś-aya yessemreg-it alda ad yeqqar ur cem-ceħley-c.

**Demetrios:** A neč qqarey ceħley-cem ugar-it netta.

**Lysander:** Ma yella wa matta teqqared, lli nnuy gar-inu.

**Demetrius:** Tæemled fell-as. Lli-d mala.

**Hermia:** Lysander, mani ad tu eid s wamma uk?

(teṭṭef Lysander ayella).

**Lysander:** (i Hermia). Wexxer fella, a tasekkiwt !

**Demetrius:** (i Hermia). Araḥ, araḥ. At yexs ad yexdem amek ad yebda d ilelli fell-am, Hermia. (i Lysander) Ig iman-nnek aya-d tetdefred, mbeşşeh ur zmired-c ad d-hased. Cek d maggad, rfed iman-nnek sya!

**Lysander:** (i Hermia) Bzayed aṭṭaf deg-i, cem a tmuccet, cem ay asennan. Wexxer fella ney acem-zzelzey am ufiyer.

**Hermia:** Mayef tetnid d azewwar hamma? matta k-yedran, ay agerruj-inu?

**Lysander:** Agerruj-nnem? R wel fella, cem zakur bu-ssuhemt taberkant! R wel fella, a ḥej asemnam. R wel fella!

**Hermia:** Tetmeşxared?

**Helena:** D tidet yetmeşxar, ula d cem.

**Lysander:** Demetrius, a neč wejdey bac ad c-nnuyey amek nuca awal.

**Demetrius:** Matta xsey ad tili jar-t-ney (tiflet tettusenya s wezref, Ttaqqaley deg-k ur tettetfed-c deg awal nnek amek iqed. Ur ac-qebley-ca.

**Lysander:** Matta? Texsid-aya ad utey Hermia, ad-t-snirzey, ad-t-nyey? D tidet, temmexsayey-t, mbeşşeh ur zmirey-c ad-t-nsiltey.

**Hermia:** (i Lysander) Tzemred ad-ay-teqrirħed ugar n wamma melba ma ad-ay-tinid mmexsex-cem? Mmexs-ay? Matta k-yedran, ay amsun-inu? A yella xdiy d Hermia? Texqid d Lysander? A yella luqqa ur bhiy-c amek lliy imir-a kan. Tellid teċċictid-aya sima nessers yifaxwen-nney ad nettes, u sima nekker teğgid-aya. Mala tekred tbeedid-aya –ah, a Rebbi tallelt! - S tidet?

**Lysander:** S tidet beediy-am, ur xsey-c ad rniy ac-meżrey qaε. Mala ħebbes asirem d uħewwes matta xsey ad iniy. Ha-ta nniy-am-t s tuget. Welli-ca n umesxer. Temmexsayey-cem u tictiy Helena.

**Hermia:** Ah, Araḥ! (i Helena) Cem a taxeddaet, ay azrem! A tmekkart! Matta i teslulfed deg id u tukred ul n weħbib-inu seg-s?

**Helena:** Ah, ta teħla nezzeħ! Yella ilaq ad tenneħċmed i yiman-nnem! A cem tegġured ay-tetnid d tamexlult bac am-du ei� awal? Rebba cem-yexla, a tasemṣart, a tabubit!

**Hermia:** D tabubit? Mayef d tabubit? Oh, zriy mani teggur temsalt-a. Ha-t tettutlay yef umgared yellan jar-tney deg tezger. Tell a tetzux s-dat-s bac ad teflali kem i tezger. Ha-t turzi-t s tezger-nnes.- A yella ternid-as deg ccan sima lliy d tagezlant nezzeh? Daya deg-s? I mala ləud n matta i yelliy d tagezlant, amek i tweşfed afunq aberri? In-ay. Ləud n matta a lliy d tagezlant? A neč xdiy d tagezlant bac ad-m-ssifgey tiştawin-nnem s yiccareni-inu.

**Helena:** (i Lysander d Demetrios) Dmam ur ad-tteğat-ca ay-tesseqrurreh, a yergazen yeħlan, aked ma texsem ad tmesxrem yes-i s tuget. Leemer-inu yejmel ur lliy ħili gara n usebbi. Neč xdiy d tamejħaħt u d tamcumt am nettat. Neč d tametcu k d tmibhayt u d teħecamt. Dmam ur ad-t-teğga-ca ay-tut. Aweli awen-yetjil kiad d tagezlant fell a zemrey ad-t-rniy.

**Hermia:** D tagezlant! Qqlet matta teqqar ead.

**Helena:** Yeħla wamma a Hermia, dmam ur ad-t-ili-ca tfuhed gara-inu. Yaxi tictiy-cem akkas, a Hermia, u tnaetiy-am ccur. Leemer-inu sawiġ tħawsa bac acem-yeżżej haca tict n Imerret sima nniy i Demetrios a cem-texsed ad tħewled yer tizgi-aya. U sawiġ hammin kan axatħer tictiy Demetrios nezzeh. Netta ideffer-icem. U neč defery-t xatħer tictiy-t. Mbessħi yennaya a cem ad tesseqqed abrid u yeğġull-aya ad-ay-yut, ad-ay-herres, aked ad-ay-yen. Imir-a ġġim-aya ad-tniy, s tufra, yer Athina. Ad-xciż imerrigen-inu gara-inu. Ur ad-renniż-ca aken-defrey uk. Dmam ġġim-aya ad-lliż. Teżri-m kem d lhug u d taderwict a lliy.

**Hermia:** Yeħla, erg sya mala! Matta cem-yetfen ?

**Helena:** Ul-inu imyendef, agellan ad-t-ġġey werna-inu da.

**Hermia:** Matta, ad-t-teğged da gara n Lysander?

**Helena:** Araħ, gara n Demetrios.

**Lysander:** Ur teggad-ca, ha-t ur tezmir-ca acem-tyeyyez, Helena.

**Demetrios:** (i Lysander) Tay d tidet, Hermia ur tetleyyez-ca Helena aked ma texsed ad-t-teawned.

**Helena:** Ah, alda ad-tesucced, ha-t tessen i tgħita, u d tamcumt ead. Tell a tmucċet n tħażżeġ deg ayerbaz. U ha-t d tazewwart, aked ma tella d tagezlant.

**Hermia:** « D tagezlant » day ? Ca ma yella kan « tedrus » d « tagezlant » ! - Mayef a tetteğam tessexşar awal hamma ? Lleħ-im-aya ad-t-ɛniy!

**Lysander:** (i Hermia) Affeg, a tawezlant, a taşeffta n iqerdmen, a tameeffunt, a tabellu.

**Demetrios:** Ha-t ihul fell-awen matta teteggem bac ad-therzem tameitħut a yellan-ca ma tetraja seg-wen. Ĝġet Hermia i telwit. Ur tutlay-ca yef Helena. Ur tetbeddat-ca yer

teymert n Helena. Ma ternim txezrem yer Hermia amma s terżeg, a kenwi-ad-tselkem fell-as.

**Lysander:** Hermia twella ur teteqken-ca yer-i uk. Deffer-ay-d ma tellid d afeħlul, ad nemsen yef Helena.

**Demetrius:** "Ad defrey?" Araħ, ad ugurey yef tqatt-nnek nemsama, dar yer uđar.

Demetrius d Lysander rgen.

**Hermia:** Amennuy-aya uk cem d sebbet-nnes, yim ani tellid.

**Helena:** Ur renniy-ca ad dendet sya xlaš. Ur acem-tamney-ca. Yezmer ad tilid d tazewwart deg umeniyi s wa a yifen, mbesseħ idarren-inu zegren yef yya-nnem, u zemrey ad rewley s tizla.

Helena terg.

**Hermia:** Ur qumey ad εεqley matta a yedran. Ur zriy-ca matta ad iniy.

Hermia terg.

**Oberon:** (i Robin) Way uk d amerrig-nnek. Txedmed rarāt-aya akkas, nniy εad tetegged cwal-aya seg ul-nnek.

**Robin:** Aqbel-aya ay aglid n izeftire, a neč sawiy ameriq. A yella ur ay-tennid-ca a neč ad tqumed ad txeqled argaz yef aruđ n ayt Athina a yired? Amek yella a neč iġi, amek ilaġ, matta ilaġen fell-a a tigej, sersej aseqqar n tayri deg tiṭṭaw n yiġ seg Athina. U amek yella a neč zhiy s wamek imusal frant, sima ufiy ażżeξeq-aya yeċčur d amerreg.

**Oberon:** Amek tetaqqaled iħbiben-aya ahen-żerren yef umkan mani ad-nnuyen. Zreb a Robin, uea-d yiđ yesulles u d amessuggen. Sdel ajenna s tagut yeqnen yer tmurt, d taberkant am jahennama, eġġ iżrimen-aya icerkiyyen ad sseerqen yexf seg tenzert deg tiżgi amek ur zemmin-ka ad azlen yer beqd-atsen. Seħwa-d seg ameslay n Lysander useyħbes Demetrius s usebbi. Syin rni sili qli deg tgurzi n Demetrius, u sebħes Lysander. S wamma ad ahen-teğġed ad jebden qli yef baqd-asen alda ad bgin u aħadun tħen am inemmitta. (Oberon yuc-as tazeġġigt d tħarrat i Robin) alda ad tħen, afes qli seg iżem n tzeġġigt-aya deg tiṭṭ n Lysander. Iżem-aya yer-s tezmert a qumen ad teşfed aydin n uxessar as-yedran deg tiṭṭawin-nnes, tħawsa ad-t-yeġġen ad yeżer amek yela zik. Alda ad akin, cwal d umnager-aya uk ad yeflal ma hennid d turjayt ney d tamuqli bla anamek. Syin yehħibben ad tħanu yer Athina, s tumla ald tmettant. U di-n a cek teħwa tħed s temsalt-aya, neč ad lliy yer tegħid Titania bac ad t-seqṣiż īmerret tict yef ahyuy Ahendi. U syin ad as-ksey lherz asuzrey fell-as, laeud ad tig ul gara n użġu-in. Yal tħawissa ad t-ili deg talwid day.

**Robin:** Ilaq ad faresed s zzerb, ay-ameynas-inu n tjenniyyin, id ha-t irečči s temyawla, u yer s-dat itri n tsebhiet yetterqiqqi, yeswelleh deg-nej ha-t faw yeggur-d.

Yer faw, izuŷay yellan da ṭenden yið yejmel ad ʐwan yer wexxam yer tnedlin. Tirca n yudan ur yendilen deg tmurt tameynast, u yer din qqimen ad kuččin ȳef lqern n webrid ney deg yella n yeyzer, daya ani wellan yer inilen-nsen yehman. Yay ur ndilen-ca deg tnedlin n tidet axaṭer nyin iman-nsen, rni ur xsen-ca ad yetwazr lexza-nsen deg tfawet n was, ȳef wamma ruglen seg tfuklt u qimen deg sallas n yið ald iffid.

**Oberon:** Mbşşeh nečni nexda hamma. Nečni yer-ney tirca-nnið, u ur aý-nilaq-ca ad nerwel seg tfawet n tfukt. Tictiy tanezzayt. D lhurat teglawatey deg ȳallen am ueessas n tižgi alda ad tali tfukt yer ujenna uzwiy am imurjan s-neg n ugaraw, u ad teđren aman izizawen yetcuren d tisent aten-tuea d urey. Mbeşşeh ilaq-ak ad tzerbed amek yella. Ur yuc yimer bac ad nessiwwed ȳer-yya uk s-dat n ubeyjij n was.

Oberon yerg.

**Robin:** Aksar d usawen, aksar d usawen. Ahen-nerriy aksar d usawen. Udan ttaggadin-aya deg temdinin d idewwaren. Goblin ḥra-hen yer weksar d usawen. Ha-t-a yeggur-d yict seg-sen imir-a.

Lysander yudef-d.

**Lysander:** Mani tellid, Demetrius, a yakebbul asewwaf ? Ini-d awal.

**Robin:** (S umeslay n Demetrius) A neč da, ay amcum, s ugestur-inu isull, traiy anuyi. Mani hellid?

**Lysander:** Ha neč-ay din.

**Robin:** (S umeslay n Demetrius) Eğ ad nruh yer wefsir mani nezmer ad nemnuj bla aewaş.

Lysander yerg.

**Demetrius** yudef-d.

**Demetrius:** Lysander, ini-d awal! A maggad, ney trewled seg-i? Ini-d qli! Waqila wern n tseṭwa a tellid? Mani a tfred?

**Robin:** (S umeslay n Lysander) a maggad, a cek tetəufed yer yetran u teqqared i tżegwa texsed amennuŷ, u layna teggumid ad t-hassed u ay-tennuyed? Ass-d, a maggad! Ass-d, a drari! Ad ac-hersey s tarjejt. D lxezyet ha-d yilin ma beddey-d yer-k s ugestur, amek ad nnayeq gara n wergaz afeħlul.

**Demetrius:** Agella cek da?

**Robin:** (S umeslay n Lysander) deffer-d haymeṛt n umeslay-inu. Day maci d amkan a yiqedden i unuyi.

Rgen isnin.

Lysanedr yudef-d.

**Lysander:** Ha-t yeggur s-tma-inu, ur yuc yettalab deg-i ad-deffrey. Alda ad ɬawdey amkan mani-s ay-tlaya, yetneżwa. Amcum-aya yezreb fell-a. Uzley wen-as am iqumey, yerwel fell-a am iqum ugar. I mala a neč da deg qli n treqquct taberkant n tiżgi mani tmurt ur teedil-ca. Ad reyħey da. (Yeqqim deg tmurt) saramey ass yehlan ad d-ħas imir-a! S lemyawla amek ad yeflal faw aberkan n tnezzayt tamezwarut, ad afey Demetrius u ad uejy tayrimt-inu yef usebbi-aya.

Lysander yeħleq u yeyli yettēs, Robin d Demetrius udfen-d.

**Robin:** (S umeslay n Lysander) Ha, ha, ha! Hey, a maggad, a yella ur tettased-ca?

**Demetrius:** Raj-ay-d, ma yella ur tetterjjid-ca! Zriy matta yellan, yef ta a cek tregled seg-i, tetneksej seg wemkan yer yict si tnezzayt, ad yeccutti wul-nnek ma tbedded u trajid-aya. Tetterdiddiced ay-taqled deg tiżżeġ. Mani tu eid luqqa?

**Robin:** (S umeslay n Lysander) ass-d da, a neč day kan.

**Demetrius:** Araħ, a cek tetkezzed yes-i uberk. Ad txelşed yef ta mda ad-ac-ħfey deg tfawet n was. Lli mani a texsed. Neč kerfey, xsey ad delqey u ad ħsej yef tmurt-aya tašemmat. Mbeşseħ rżem tiżżeġ-nnek, ad-ac-afey luhayem n ustaw. (Demetrius yeħleq u yettēs).

Helena Tudef-d.

**Helena:** Ah! Matta yiğ-aya, wa yezger, wa yemreg, wa yesseylab! Saramey-t ad-t-yekfa. ɬaqey yef tfawet n wass tazegħant ad terqiġe, din zemrej ad tniy yer Athina u ad beedey i yudan-aya ay-mmexsayen neqqad. Saramey ad ȳfū qli u ad-ttuy ineqsam-inu di tedqiqt. Yudan zemren ad ttun ayen aten-iesewsen imer n yides. (Helena teħleq u tettēs).

**Robin:** Tlata kan a yibeeden? Ha-t-a werxad netraja deg yict id. Sen seg ucriħ-aya ad yig rebba. Ah! Ha-t-an teggured, d tameyċuct u ad tameyċuct. Kupid d ameččuk d amcum si yetteġa l-xalat tiqellilin şuflent hamma.

Hermia tudef-d.

**Hermia:** Leemer-inu ur ȳlibey ney wellan-t-id fell-a amma. Bezgey uk si nda u xebcen-aya isennanen, ur zmirey-ca ad ħbuġ ugar. Ur qumey-ca ad rnix yer s-dat. Ifadden-inu ur tlemten-ca iman-nsen. Ad ħsej day ald tsebhiet. Ma nuyen, ad saramey kan Lysander ad yili bxir. (Hermia tetekka u tettēs).

**Robin:** Yettēs amek ilaq yadi yef tmurt. Ad-ac-sgeniż, ay aħbib yehlan, ma sersej asufir-aya di tiżżeġaw-nnek. (Robin yessers adeqqis n uzeġġig yef abliwen n Lysander) alda ad takid ad-t-ilid tezhid nezzeħ bac ad teżred tameitut a tceħled cra n yimer. Alda ad tfaqeq ad twellid d tamedya d tusridt i wannay yetwasnen deg tmurt: "Lexxer ad yawi żerfa u ayen yellan ad yetna d azedgan".

Robin yerg.



# ASEKIR 4

## *Asayes 1: DEG TIZGI:*

Demetrius, Helena, Hermia d Lysander ur ucin ṭsen yef tmurt. Titania tudef-d gara n Bottom, a yellan ur yuci yer-s yexf n weyyul. U tijenniyin Bottom, Peaseblossom, Cobweb, Moth, Mustardseed d Oberon udfen-d wern-ansen, yict ur aten-iżer sya yellan gar-ansen.

***Titania:*** (Tettutlay yer Bottom) Sed yer da, ȳim yer ussu-aya yeččuren d izeğġigen u neč ad ħarbey igemmujen-aya n wechal. Ad sersey nuwwar s-neg n yexf-nnek iređben, aħriri u ad sudney imejjan-nnek izewwaren, imelħanen, ay agerruj-inu ameżzuz.

***Bottom:*** Mani yella Peaseblossom.

***Peaseblossom:*** A neč da.

***Bottom:*** Kerb-ay deg yexf, Peaseblossom. Mani yella Mas Cobweb?

***Cobweb:*** A neč da.

***Bottom:*** Mas Cobweb, ya si, serg igestar-nnek tenyid-ay irżeżżej imzerkec s-neg n tawra, hawid-ay-d tamemt-nnes. Ur seylab-ca iman-nnek, a mas. Ah, a mas, qfel matta txedmed, ur trezża-ca tacubiż n tamemt. Ad mexsej ma ȝriy-c tyerqed deg tamemt, a mas.

Cobweb yerg.

Mani yella mas Mustardseed?

***Mustardseed:*** A neč da.

***Bottom:*** Uc-ay-d isem-nnek amezwaru, a mass Mustardseed. Dmam, berka adar, a mass yeħlan.

***Mustardseed:*** Matta texsid-ay ad igej?

***Bottom:*** Ula tħawsa, mas yeħlan, kkes kan ad-t-ξiwned mas Cobweb ad-ay-yekreb deg yexf. Ilaq-aya ad lliy yer useṭṭal, a mas, axaṭṭer amek ay-yetban zaw yečč-aya leħnak, n šeħ. Rni a neč ca n jgugħel am tleqqad axaṭṭer zaw-inu ma yečč-ay kkes ma qli kan, ilaq ad kemzey.

***Titania:*** Texsed ad tesled i qli n użawan ay amieżziz-inu ażiđan?

***Bottom:*** Ha-t yer-i ameju ur fell-as-ca deg użawan. Eġġ qli n yict ad-ayen-yirar tin n “A Bu-setta Duru”.

***Titania:*** Ney in-aya, ay aħbib-inu azedgan, matta texsed ad d-tetced?

***Bottom:*** Luqqa, xsey taqediet n iyallen n ujmu. Sexfey ad hemżej taħeżżejjint n ubelluḍ iqedden u yeqquġien. Ney yezmer ad yili d bu-sexxaf yer ukemmīc n ulum.

***Titania:*** Yri tajennit ay yihemlen tizerrakin nettat ad yellin ad tqelleb tiserfin yefren n yiðwa u ad-k-twella s qli n lexyar n teðnin.

***Bottom:*** Araha, xsey deg umkan-nnes akemmic ney sen n lmeþura yeccawhen. Mbesseh ur teðgi-ca aked yict seg iterrasen-nnem ad-ay-yessuki. A neð zerrey s-dati kan yiðes.

***Titania:*** Lli ad teðsed, u neð ad d-sermey iyallen-inu fell-ak. Tijenniyyin, kker-t. Msefraq-t yef tyemmar jemla.

Tijenniyyin regent.

Ad ssersey iyallen-inu fell-ak am ifulan n lawway alda ad d-zellin s qli, s qli yef ieuraf n tiski, ney am izuran n weffar ma yecbubbek yef yya n tsetwa. Ah! Matta ac-tictiy! A neð d tamehbult fell-ak.

Bottom d Titania ðsen. Robin yudef-d.

***Oberon:*** Ad neðsuf yes-k, a Robin yehlan. A cek tettaqqaled deg tmezrit-aya i jebbeden aman? Imir-a ha neð bdiy tsawiy ul yef Titania mayef a tella d tuzyint hamma yejmel. Dura-aya i eeddan uzley yer-s ald ijemmaðen ineggura n teðgi, bac ad-rzuy yef trezzaf tizedganin i tmixsast-ay timyendeft, yaxi din sencfey-t s usebbi u meknasey gara-nnes. Teðna tessers tmuqqunt n newwar alussi, yetfuhan yef timminnes yeçüren d izaggen, u timeqqatin n nda yersen deg ummas n tnewwarin ñinhent igin-t ma hennid ad zewkent seg aneteari sima ad herqşent aqelqul n uzakur-in amebcaeu. Sima tmesxrey yes-s mlih amek a xsey, tuða-d yer-i s wudem yehlan tetdemmam ad teðgey. Din seqsiy-t yef wehyuy Ahendi yetwakeren. Luqdin tenna-d hih, u tenki tajennit ad-ay-t-awi yer wexxam-inu deg tmurt n lejnum. Imir-a yewð-ay-d yer ifassen-inu, ur ilaq ila ad sermey ay din n tehwimat ay yeðgin tineðrit-nnes temmedren ald tesëiffay. Cek, a Puck yehlan, kkes yexf-a yetwaseglafen, n weyyul s-neg n yexf n wergaz-in n Athina, bac ald ad yaki deg n yict n yimer am nehni, ad zemren uk ad wellan yer Athina. Ad d-smektan tinedruyun n yið-a am temnamt taberkant. Tamezwarut eðg ad serhey taglidt seg tsermin.

(Oberon iluð izem seg tnewwart wis sen deg tiðawin n Titania.)

Ili amek tennumed ad tilid, u zer amek tennumed ad teðred. Tið-aya d agel n Diana tarebbit n tieuzra, nettat a yesðan ñil bac ad tekkes tiserrifin n tnewwart n Kupid.

***Titania:*** (Tuki-d) Oberon, teedda fella cra n temnamt yessebharen! Urjiy Iliy deg uchal gara n wesnus.

***Oberon:*** Yella weħbib-nnem yetħes din.

***Titania:*** Amek tedra tay? Ah, Mexsayey ad aqley yer wudem-nnes luqqa!

**Oberon:** Susem yef tikelt --Robin, kkes-as yexf n weyyul-Titania, sawa tijenniyin ad iraren-t qli n użawan, u eġġ sebea n yudan ad ḥsen yef sen n imejjan amek leemar ur ḥsen yiḍ s-dat.

**Titania:** Azawan! Ad iraren tawsit n użawan yessuđşayen yudan.

Ażawan yendeh.

**Robin:** (yetekkes yexf n weyyul yef Bottom) Ald ad taki-d, żer tiyawsiwin s tiċċawin-nnek timbeldin day.

**Oberon:** Yettirar ażawan – ahen-awra-m ifassen-inu a taglidt ad nesserqes yudan-a ad ḥsen s ureddes-nney. (yetrehheb gar-a n Titania) Imir-a neč d cem d imeddukal day, nezmer ad nreħħeb i wegħid Theseus adečha deg ummas n yiḍ, u nezuzzen arcal d ussu n wercal-nnes. Ismunen uk ad yilin s-tma-nnes uk ad reclen, u ulawen-nsen ad ilin ċelqen deg ujenna.

**Robin:** Sel, ay ajenni aglid. A neč tselli i umeqni icennu. Yuli was.

**Oberon:** Ma yella hamma a taglidt-inu, eġġ ad netṭef abrid s tsusmi d wulawen čuren, ad nezli yef ubluġ, ad ners mani yiḍ yers, u ad nenneq yef tmurt s lemyawla ugar n ugur deg tizla.

**Titania:** Alda ad nili negra dar yer webrid, tzemred ay tektit amek tekfa yes-i temsalt u ufiy iman-inu tsey deg tmurt gar-a n yudan-in idelli.

Oberon, Titania, d Robin rgen.

Ajawaq n šyat̄t yeşşuđ-d. Theseus yudef-d gara n ixeddamen-nnes, Egeus d Hippolyta.

**Theseus:** Yict seg-wen ad yelli ad yerzu yef ueessas n tiżgi. Sima nerwa seg insayen n was n mayyu u mazal d tanazzayt zik, tmieżiżt-inu ad tesxa tila bac ad tesl i użawan n yiđan-inu n šyat̄t tbeewaqen ma tazzalen wern n lefrist-nsen. Llef-t i yiđan deg yeżżeñ n umalu. Ĝeġe-t-hen ad ndacen. Luqqa lli-t rzut yef ueessas.

Ixeddamen rgen.

Taglidt-inu tabugust, imir-a ad nali yer wedrar u ad nesl i wenabeħ n şšarfat n yiđan amek weeħan fell-asen yeddaren, ma hennid d ażawan.

**Hippolyta:** Tgħemmnej ddur lli-ġ gara n waṣađen Herkule d Kadmus, sima Spartan, ayerżul-nsen n šyat̄t yeċċi-d yer uyelyal. Leemar-inu ma sliji iż-żeu n ubeeweq din. Iżegwan, ijenwan, idurar, yal tħawsa s-tma-nney tetteflalay-d ma henni-d tweeħxa-d i l-ħess n şšarfat. Leemar-inu ma sliji i škejt din n użawan, cra n udenden ur yedri.

**Theseus :** Idan-inu bbin-d seg şšarfat n Spartan. Yer-sen yict n ileglugen n weksum yef yimawen-nsen, yict n reħd n żibert-nsen am yijji, d imejjan d izegraren achal sefden nda n tsebhiet seg ijdi. Yer-sen rekbat i qeessen d ikelkal n weglim s-ddu n

igerjad-nsen, Kan am şşarfat n Spartan. Ur zerben-ca deg tizla d uhahı, beşşeh abeeweq-nsen yetqerqeb am tquerwit ma tesdegdug. Yal tabeewiqt teqqen ca n weqqan yer yestm-as, ham yinyaten deg usrig n tayuct. Ula d yict, ani texsed, yekker yer şyatt s lhul n użawan n yiđan. Uea-t yer iman-nnem ald ahen-tesled. (yezra tlata n yismunen ḫsen) Raja qli! Mand d isednan-in?

**Egeus:** Ay aglid inu, tin d yelli a yetsen yef tmurt yad-i, u wa d Lysander da, wa d Demetrius, u tay d Helena, yelli-s n Nedar zik. Ur ʐriy-ca mayef ahen-a yejmel da.

**Theseus:** Yezmer ad yili kren zik bac ad sezhan ass n mayyu u ʂeddn-d day i yislan-inu sima slin ad d-iliy da. Beşşeh, in-aya a Egeus, ass-a yexda d ass deg-s ad ayentini Hermia tarirayt-nney ad tercel Demetrius ney arah.

**Egeus:** D tidet, ay algid-inu.

**Theseus:** Lli in-as i yişeyyaden ad şşuđen ijawaqen-nsen u ahen-sakin.

Yict seg xeddamen yerg.

Qli n yict içeyyed-d seg berřa. Ijawaqqen şşuđen. Lysander, Demetrius, Helena, d Hermia, ukin-d.

Tanezzayt n Ixir, ay meddukel. Ass n Valentin yemmir. Texda-m d yifrax n uchal yexsen ad sersen luqqa?

Lysander, Demetrius, Helena, d Hermia udren uk.

**Lysander:** Suref-aney ay aglid-ney.

**Theseus:** Dmam, amek tell-am, beddet.

Lysander, Demetrius, Helena, d ermia kren-d yef idarren-nsen.

(I Lysander d Demetrius) ʐriy d iyrimen a tell-am kenwi isnin. A yella umađal jemla kemla yenta yetcur d talwit ald yudan yetmexsayen jar-atSEN bdan rezmen ulawen-nsen u teđtsen tiwa yer tiwa bla tiwdi?

**Lysander:** Ay algid-inu, matta ad k-iniy imir-a yetteflala-d d axelled, axatter ur uciy ur ttisey ur ukiy. Ad ʐalley ald imir-a ur ʐriy-ca, n tidet, amek ad k-iniy amek a yesşiwed uđar-inu da. Beşşeh, a neč txemmamey ad k-ferhey tidet, u neč ttuley yes-s, waqila tay d tidet. Usiy-d da gara n Hermia. Nella nrezzu yef tserifin amek ad nekker seg Athina u ad nerwel i Iqanun-nnes.

**Egeus:** (I Theseus) Daydin, daydin, ay algid-inu. Teslid i wegtay n lamarat! Neč ad snuccey Iqanun ahen-tweqqeh deg-s- llan ad rewlen, a Demetrius, llan ad rewlen bac ad ay-nernan, ad akren tameđut-nnek seg-k u neč ad ay-yawin Iqanun di ttxeyirt n mand wa ad yilin memm-is n yelli.

**Demetrius:** (I Theseus) Ay algid-inu, henn-ay-d Helena tmibhayt yef uyawas ay-igin bac ad telfen yer tiżgi-aya. Din neč terja deg-i tmes u defery-hen-d yer da, u Helena tmiezizt tella tuđu deg-i isa teṭṭef-d abrid werna-inu yer da. Ur mnadey-ca nezzeħ amek tedra, besseħ yella qli, tella tyawsa teğġa achal-inu i Hermia ifessi am udfel. Achal-inu a yiexxan i Hermia yetteflala-d am usmekti n leħjayej timzinkin a hemley sima Ili-γ d Idūfan. Ma d imi-a yict n wudem a tictiγ, a reżmey-as ul-inu, u tixsayey ad henniγ deg-s, d Helena. Yaxi Ili-γ uci-γ fell-as awal s-dat n wa mlal-ey uk Hermia. Layna mexsiy-t ussan, tedr-aya hamm umadun yerwan učči a yitet akkass. Ma d luqqa twell-ay-d crah, am u mađun ma yeggenfa. Imir-a xsey Helena, cehley-t, tarjiy yes-s, ad ilij akkass d argaz gara-nnes.

**Theseus:** Kenwi a ismunen uzyinen yer-wen ila sima ay-tufim dayi. Layna ad nutlay ugar yef ta. Egeus, ifiy mayef a tessaramed. Uzwijen-ay ad reclen yef tqat gara-inu neč d Hippolyta deg ljamex ass-ay, layna. Ma d luqqa, ass yeggur ad yekfa, ad nbetṭel tikki n šyatt. Lli-d gar-aney yer Athina. Nečni tlata n uzwijen ad nezha deg islan d tafaska n umexmex. Ayya-d a Hippolyta.

Theseus, Hippolyta, d Egeus rgen gara n yesċifen-nsen

**Demetrius:** Matta a yeđran ged ged? Inedruyen n idelli teflalayen-d timežyanin u eewṣent yef tiṭṭ amek iqada. Am idurar a yicewren ad tinid fell-asen d asegnadeg igli.

**Hermia:** Hih, am tiṭṭawin-inu seerqent tiżri, u taqqaley deg tyawsiwin uk yef sen.

**Helena:** Ula neč. Rzuy yef Demetrius s tushilt, ma hennid yella d ljuher yulin ssum-nnes, ufiy-t yeđleq anic. D agel-inu xaṭer neč a t-yufin. Beşseħ twelliγ-d yef iman-inu ma hennid ad yas yict id u ad t-yetyl-nnes.

**Demetrius:** Mand wa yeżran nuki-d s tidet? Yer-i neč ur nuci needda deg-s, ur nuci nettarjaj. Ma tgħemmied nezra aglid da? Yenna-ney-d ad-t-ndeffer?

**Hermia:** Hih, hamma yenna. U baba yella da day.

**Helena:** Aked Hippolyta.

**Lysander:** U yenna-ney-d bac ad-t-ndeffer yer ljamex.

**Demetrius:** Yeħla, matta fell-as, a nečn-ay nuki-d. Eġġ ad-as-nay yef tgara. Ad nekti i beedana turjain-nnej Ald ayeħħi n webrid.

Lysander, Demetrius, Helena, d Hermia rgen.

**Bottom:** (yettaki-d) Ue-ay-d awal ma yusi-d umaway-inu, bac ad iniy tafyirt-inu. Lmaṛt-inu ad d-yegguren d “Pyramus uzyin neqqad”. Hey! Peter Quince? Flute axeddam aqellil? Snout argaz amizrag? Starveling? Ah a Rebbi, kren jemla u ġin-aya tsej̄ da? Matta n temnamt a yesderwacen a ufiy. Ur tetqumid-ca ula ad tutlayed yef turjain am tiyya. Ad-ak-teđra ham uleqqad aked ma tebdid tetsawid-as agħlan. A yetiżi lliji. Araħ, ur yezmir aked yiġi ad yexdem agħlan i matta a lliji. Waqila lliji, waqila

yella yer-i- Beşşeh amdan ad iwella d bu-heyyuf ma yexs ad yini ma xemmey ad illiy. Ula d tiṭṭ tezra, ula d imejju yesla, ula d fus yelqef, ula d iles iħuss, ula d ul yiqum ad yuc awal ȝef turjayt-inu matta tella. Ad utlayey i Peter Quince ad yemru tamnamt-ay ham tneffust. Ad-as-ucey azwel “Turjyat n Bottom” axaṭer tiy়day lhul ald ur tesei abuđ. Ad t-tecnuy i weglid jar n isuyas n cquft. Ney yezmer ad tuεi̯ tetcat ȝer wul neqqad, ad tecnuy alda ad temmet taṣađt.

Bottom yerg.

## *Asayes 2: DEG UXAM N QUINCE DEG ATHINA:*

Quince, Flute, Snout, d Starveling udfen-d.

**Quince:** Tenkid-ca aked tict yer wexxam n Bottom? Yewd-d-ca yer wexxam ney weread?

**Starveling:** Yiğ ur yesli awal seg-s, Zriy ha-t yetwaṭṭef anic.

**Flute:** Ma yella ur yesserg-ca yexf-nnes, ini tacquft tædda deg-s. Ad yegguren ur tetmira-ca, hamma ?

**Quince:** Araḥ, ad tili tedduqqet. Netta kan s yexf-nnes deg Athina a yizemren ad yirar amkan n Pyramus.

**Flute:** D tidet, s matta yellan, d netta d axeddam amizrag uk deg Athina.

**Quince:** Hih, u d natta d uzyin ugar. Tigerzi-nnes d tasmunt n tażedya.

**Flute:** Texsed ad tinid “aneprus”, “ahbib” d tyaws a yifuhen.

Snug yudef-d.

**Snug:** Dduq ad yerg seg ljamex. Yella sen ney tlata n yigliden d tsednan a yireclen day. Mda nella nezmer ad t-nerni deg tecquft-nney, a nečni nerna-t.

**Flute:** Ah, tay teṭṭerbaq, abeclag am wa, Bottom! Yella ad yeqqi-m yettawi i wass sebea frenk, tmudri-nnes tejmel. Sebea frenk i was d lhul fell-as. Ad ay-debreḍ ma yella dduq ur as-yuci-ca sebea frenk i was ald ad yirar Pyramus. Ha-t yettestahal-it day. Pyramus yettestahal sebea frenk, ney ula tyaws a merra!

Bottom yudef-d.

**Bottom:** Mani llan irgazen? Mani llan imeddukal-inu yeħlan?

**Quince:** Bottom! Ah, leejeb ad ac-neżr! Ah, cra n tiggenfa!


**Bottom:** Ay imeddukal, yer-i qli n tyawsiwin yessebħaren awen-iniy, beşseħi ay-seqsayt-ca matta llant. A neč ġulley sima lliy seg ayet bab n Athina ur awen-iniy awal. Ad awen-iniy matta yellan swa swa amek teħra.

**Quince:** In-aney a Bottom.

**Bottom:** Araḥ, ur tesragayey-ca awal seg yer-i. Matta awen-iniy uk ha-t dduq d-aya ani yetca amensi. Luqqa d imer ad tħied-m tikustimin-nnun jmiex. Aff-t qli n ifulan ay yiqedden bac yes-n ad tkersem timariwin-nwen n Ifesti, tlaymem-d tcebbahin d titratrin bac ad tbegħem irukas-nnun. Mlalet-aya yer tiġremt, zreb-t ami tqumem. Qra-t tifyirin-nnun mliex. Tacquft-nney teggur ad-t-twag s-dat n dduq ! I mala qel-t nezzeh Thisbe ma tired aruḍ n wadda i zedgen, u yal yict ad iraren d arr, ur yetebbi-ca icarren-nnes, axaṭer ahen-yexs zegren bac ad deflalan am ikeffien n warr. Ula d yict

ad yetc azalim ney ticcert. Ma yella yer-ney tneffut yetfuhan teħla, żriy ad inin « d tacquft yehlan ». Imir-a tuqqa tutlayt. Ut-t iyallen, lli-t.

Rgen uk.



# ASEKIR 5

## *Asayes 1: DEG TIYREMT, DEG ATHINA:*

Theseus, Hippolyta, d Philostrate udfen-d, gara n terbaet n igilden d ixeddamen.

**Hippolyta:** Iħibiben-ay ahen-qaren-ca tyawsiwin ur yetwaeqilen, a Theseus.

**Theseus:** Hih, ur yetwaeqilen-ca- rni yetwaw-ten seg ixef day. Laeud ad ueiy ul-inu yer tidyanin ney tineffusin-aya tiqburjin. Yehbiben d imexlal ḥerwacen deg tyawsiwin ay yellan uerent yef imdanen a qedden bac ahen-eeqlen. Imterewcen, yehbiben d imedyazen ahen-twattafen uk s taħruci n usgan-nsen. Cra n yudan yiżil-asen zemren ad żren imuraz d lexyalat ani yella. Ma hennid d imxelşen. Yehbiben tcin lakwayed-nsen kan, yetxall-asen ula d tyajarat tasekkiwt d tmibhayt uk deg maðal. Ma d imedyazen teflalayen-d ma hennid yer-sen tizemmar, surayen wa n dimmet d win n laxer, u deg matta a merrun, tutlayen s wuglan yef tyawsiwin ur llin-ca deg tidet. Yudan am-ya yettili yer-sen-ca n usgan, aħħal alda ad ilin tezha-sen, qquaren d rebbi ney tarca n şsalħin asen-yasekkayen tumert din. Ney ma taggaden cra deg id, żerren deg imyan u txayal-nnen d iż-żejt aberġani!

**Hippolyta:** Beşseħ taqsitt-a a kettin, d uneđrui a żrin d wa a slin ahen uk mqadan, teğġ-aya txemmey yella wa a għerriż s tuqet da; yexda kan izeftiren n usgan. Taqsitt-nsen tessebħar u tessexlae, awi-d kan terşen u tercem.

Iħibiben, Lysander, Demetrius, Helena, d Hermia udfen-d.

**Theseus:** Ahen-in yehbiben usin-d, deššen s tumert, A xsey ad tezham, ay imeddukal-inu! Saramey ussan ad d-yegguren tċureñ-awen d zhu.

**Lysander:** Nexs-ak neqqad n tumert, nesaram zhu ad ak-d-yawwed deg tikli-nnek tageldant, yer tħabla-nnek, aked yer ussu-nnek ageldan!

**Theseus:** Imira, matta n weħric n yirar yellan yer-ney bac ad neqqen tlata-aya n saeatin tizegrarin jar n umensi d ussu? Mani yella imdebbber-nney n yirar? Matta n waggayen a yujden? Yella-ney-ca qli n tecqufin bac ad nessezhu ma s weħmaq netraja yimer n ussu ad yawwed? Ĝġi-m-aya ad żrey Philostrate .

**Philostrate :** A neč-ay da, a Theseus.

**Theseus:** In-aney matta n yirar ajen-tessujded tameddit-a? Matta n tecqufin, matta n użawan? Amek ad nessedda yimer bla yirar?

**Philostrate :** (Yuc-as atermim n tifelt i Theseus) ha-t-ay tiferket n waggayen uk yujden. Fren wa tamezwarut a texsed ad d-żred d amezwaru.

**Theseus:** (Iqerṛa) "Amennuy jar n Hercules d Senataur, ad-t-yeċnu zakur seg Athina, yetwaqtaren s lħarr". Araħ, ur neżri-ca tay. Daya ani ktiy-t i Hippolyta sima lliy tħeufey s weqrib-inu Hercules. Matta day? « Azuhret n Backchanals asekran a yessencen acennay Orpheus yuċċa-t d icelliġen ». Tay d tefrijt d taqdimit, żriy-t sima welliġ-d seg tegrawla gara n Thesbe. « Tzu n irebbiten yillen yef tmiettant n leqrayt tayerbazant ».

Tay temda, d azyan yetebbin, yerni ur tqadi-ca i yislan. “ Tamuggit tazegrart tavezfant yef ilemzi Pyramus d ucehal-nnes Thisbe, d tamellayt a yebberknen u a yesnirfen nezzeħ”. D tamellayt a yetħeyzen? D tavezfant rni d tazegrart? Tay am ujris yeħman d wedfel ur yetwasnen. Amek yezmer i tmuggit-ay ad tejmel amma d tiyawsiwin yenemgħalen.

**Philostrate** : D tacquft yef ɛecra n wawalen izegraren, d tacquft d tavezfant leemer ur sliy yes-s. Beşseħ deg tnirayt-inu, ha-t tezger s wugar n ɛecra n wawalen. Daya ad t-yeğġin tħerrem. Deg tecquft uk, ulac ula d yiğ n wawal yetwamrun amek ilaq, ney ula d imeggiyen a yibedden yef umur-nnes. D taqerħant xatħżejj Pyramus yenja iman-nnes. Ilaq ad ini-y sima a t-żriy ineq ammin deg seqdec, brurgent tiċċawin-inu, besseħ d iberrugen n-tadxa.

**Theseus**: Mand d-yya d imeggiyen?

**Philostrate** : D ixeddamen izewwaren seg Athina yellan leemer ma rżin yexfawen-nsen deg uxemmem. Luqqa ahen-seylben allen-nsen a yiċewjen bac ad sujuden tacquft-a i yislan-nnek.

**Theseus**: Eġġ ad t-neżr.

**Philostrate** : Araħ, ay algid-inu ameqran. Tacquft-ay ur tqadi-ca i cek. A neč żriy matta a yellan uk, u ha-t yejmel ur tesxi azal- Kkes ma teżriż ahuleg-nsen d wettaw n tefyirin-a ssersen deg alli s ujil, yesragay d tadxa.

**Theseus**: Ad ffurjey tacquft-aya. Tyawsa ur tezmir ad tili tfuħ s tidet ma yella xedment yudan d iħerfiyen a yetsawan matta fell-asen. Acc, eġġ-iħen ad dfen. ɻim-t, a tisednan.

Philostrate yerg.

**Hippolyta**: Ur ġemmley-ca ad żrej igellilen twayebnen ney teflalayen fuħen ald ad ucen a yer-sen bac ad sawan tyawsa tqed.

**Theseus**: Ur ad t-żerid-ca tyawsa am ta, a tasbult n wul.

**Hippolyta**: Daya ani a yenna ahen-fuħen deg aggay.

**Theseus**: Mala ad nessezdeg ulawen-nney u ad ahen-nesnummer yef tyawsa yellan ur zmiren ad t-sawan amek ilaq. Ad neszeħha iman-nney u ad neqqen tiċċawin-nney yef imerrigen-nsen. Ald iħrujen ur qumen-ca ad xedmen tyawsa amek ilaq-it ad tili, ulawen ileqqaqen qumen ad aqlen yer ljeħd a tutcen yexda yer matta xsen ad d-ucen. Deg ibriden a sejjidi, usin-d yer-i imusnawen d imeqranen, iswi-nsen ad ayssufen s wannayen yiżiđen a ssujden, neč żriy-hen terdiddicen u tewrijen, u teħbisen seg atreċċed deg ammas n tefyirin-nsen, tfeyyan tgerzi d umeslay-nsen xatħżejj yefsen iman-nsen neqqad, ahen-yetteġan tbeṭṭalen ammin ammin deg uneggaru, bla ad ayssufen uk. Amn-aya a tgerrujt-inu, yef ta mnadej a xedmen bac ad ay-ṣufen aked ma llan susmen, u izen din yetħawwa d-yeħfa s yer yict d aħerfi, a yiyeħġen iman-nnes s

wul ma hennid yewwed-d s yer yict a yizehren, d uħric, u d ufšíh. Yef amma, achal d lemezzet taħerfit n yiles yezmer ad tini neqqad aked ma teqqaṛ drus, amek a yetyil.

Philostrate yudef-d.

**Philostrate** : Mas, wa ad yeseddan timsideft ha-t yujed.

**Theseus**: Eġġ-it ad yas.

Ameggi n temsideft (Quince) yudef-d.

**Ameggi N Temsideft:** Ma yella yedra u nesucc-ic, xaṭer nečni a yexsen. Ur nexs-ca ad txemmed ha-t nusi-d bac ad ac-nesyuc, kkes ma nesucc-ic s wa a yeħlan deg ulawen-nnej. Aġawas-nnej bac ad ac-nwelleh yer qiċċ a yer-nej n terzeggi, ad ajen-yerra yer yexf uxedmi. Dmam egg deg alli-nnek a necni da i wa a yiqedden. A nečni ur ad nusi-ca da s wul n wa a yexsen ad yessezha. A nečni yejmel nexdha da bac ad nekkes yef ul-nnek. Imegayyen ahen-wejden ad rgen, ad ac-uęan tessurufed. Ald ad teżred taceqquft-nsen, ad tħeqled yal tyawsa a yilaqen ad tesned.

**Theseus**: Aterrahs-aya ur yuci-ca n uwelleh xirella i usenqed.

**Lysander**: Yenya timsideft-in ham ujadur n Ijul. Ur yessin-ca mamek ad at-ihebbes. Ilugan n tneffust-aya ha-t yexdha a tutlayed u berk, ilaq ad tutlayed s tjerrumt.

**Hippolyta**: Hih, yirar timsideft-aya am ldufan yettiraren s lmuseġla. Yezmer ad yesserg imeslayen, beşseħ rgin-as i tufta.

**Theseus**: Awal-nnes am uquerqeb n tezrart. Teqqar u teqqar s tuqet n uxelleqd. Mand wa ad d-yegguren?

Bottom yudef-d d Pyramus, gara n Flute d Thisbe, Snout d Wall, Starveling d Moonshine, u Snug d Lion.

**Ameggi N Temsideft:** (yeqqar-it Quince) Ayetma, yessetma yetbanayed a kenwi-tharem matta a yiderran. Yeħla, qimet tharem, alda tidet ad tetna ak tyawsa d tufritt. Argaz-a d Pyramus ma texsem ad tesnem. Tameċčukt-a tazwint, s labas n wawal, d Thisbe. Argaz-aya s Ijir d ssima yessalay afsil, d afsil-in yesaggaden, a yibettan yeħbiben-aya yal yict yer teymen. Ahen-jjan sima twecwacen seg timasxiwin timeżyanin yellan deg ufsil, tirca yetciffan, u ula yict ilaq-as ad yebħer. Argaz-ay, s lkanki-nnes, a耶żżul, d tuzzalt, seddayen tziri, axaṭer, ma texsed ad tesned, ismunen ur tneħcamen-ca alda temselq-ayen s-ddu n tziri, yer tendelt n Ninus, amma bac ad sawan aħebber-nsen. Lheckelt-a n zayelt, as-qqaren "arr", yesaggad, nej ugar yesserwal tušdiqt Thisbe ald ad tawwed yer wemkan n temlilit deg id. Sima terwel seg-s, tesseydel adug-nnes, win a yessulmes arr ucmit s yimi-nnes yetazzalen d idammen. Hamma qli, Pyramus yewwi-h-d uđar ssidin, d alemzi d azegrar u d mibhay, akkes ma yufa tabexnuqt n tuħnint-nnes Thisbe, yetyil-as temmut. Yer-din, yesmiss-d aġestur-nnes, s yexf-nnes mi-dammen, yemdan, u s tebyest yuta idmaren-nnes yettagzayen d idammen, irezmi-hen. Thisbe teffer yer dduban n tiċċal, tewwi-as

ajemmi u tenya yes-s iman-nnes. Yer tneggarut n tneffust, Eğg arr, taziri, afşil d sen n  
yehbiben ttutlayen ugar fell-as, sima İlhan bedden din.

**Theseus:** Neč dewxex ma arr yeggur ad yutlay.

**Demetrius:** Tay ur ay-tessebħar-ca, ay aglid-inu. Ma yella ileqqaden-aya zemren ad utlayen, ula d arr ad yezmer.

# Prologue, Thisbe, Lion, d Mooneshine rgen.

**Wall:** (Yirar-it Snout) Yer da neč, Snout, ad irarey afşil. Beşşeh yexda d afşil am yifşilen yiğ. Xsey-kem ad tfehmem ha-t tirarey-t d afşil yellan ljar yedrus deg-s. Yehbiben Pyramus d Thisbe tikwal twecwacen s tufra fell-as. Lud-aya, sima-aya, d isegra-aya a refdey setma-inu senə-aten d neč d afşil din. D tidet. U tay d ceqqet, deg fus u deg zelmed (yessenə-t s sen n iduğan) fell-as yehbiben yegden ad mseglafen aherrar.

**Theseus:** Zemrem ad sugnem sima s usegru ad utlayer xir?

**Demetrius:** Tay d tadwilt yehlan nezzeh, u leemper ma sliy-as tettutlay, ay aglid-inu.

## Pyramus yudef-d.

**Theseus:** Pyramus ha-t yettali-d yer wefsil, susmet !

**Pyramus:** (Yirar-it Bottom) Ah, Yið yetban-d yeqqen! Ah, yið arħat-nnes yebberken axxer! Ah a yið, yettilin akkas yad-i ma ur yelli-ca was! Ah a yið! Ah a yið! D ameydud axxer, d ameydud, d ameydud, surfaya a Thisbe-inu tettu leahed-nnes!- u cek, ah ay afşil, ah a wa a yeħlan, ah ay afşil agennun, tbedded jar n wagel n bab-as d wa-inu, cek ay afşil, ah ay afşil, cek a wa yeħlan, u yeezizen ay afşil. Senet-ay ljar yellan deg-k, ad şenddey hiġġ-inu deg-s! (afşil yejmel sen n iđuðan) Tanemmirt, cek eżżeġi n wefşil. Rebba ad cek-yeħfed yef ta. Beşseħ matta wa a zerrey? Ur zerrey aked Thisbe. Ah ay afşil axeddae, seg-k ur zriy aked d tumert! Rebba ad yexza isegraph-nekk ay-ahen-tyuein amma yer deffer.

**Theseus:** Sima yuki wefsil, imir-a ad twella fell-as.

**Bottom:** (Berṛa n umeggi) Araḥa, luqqa, a mas, ha-t ilaq ur yeqqar-ca aked tyaws. Yexħda d nub-nnes, d nub n Thisbe. “Tirarem fell-am” d aserbes n Thisbe. Yella ad tadeff imir-a, bac ad t-żrej yef ufsil. Luqqa ad teżred, ad yedra amek ak-nniy. Ha-t-in teqqured.

Thisbe tudef-d.

**Thisbe:** (Yirar-it Flute) Ah ay afşil, Ihurat tetsellid-aya twellatey axaṭer tferqid-aya yef mibhay-inu Pyramus.Ihurat suduney s tcenfirin-inu yiredben isegra-nnek i nedden s ssjima.

**Pyramus:** A neč żerrey deg umeslay! Ad lliy ad d-qley deg ljar ma ad d-sley udem n Thisbe-inu. Thisbe?

**Thisbe:** Cek d acehhal-inu, d acehhal-inu, waqila.

**Pyramus:** Neč d acehhal-nem, amek yexs txemmed. Ur uciy qney ul-inu yer-m, kan am Lysander a yicaen yisem-nnes.

**Thisbe :** Ula d neč ad sekkey ul-inu i cek am Helen n Troy, ald ass aneggaru ad drey.

**Pyramus:** Ula d Shafalusur yelli d uşdiq gara n teħbibt-nnes Procrus amek a lliy neč i cem.

**Thisbe:** Neč day, d tuşdiqt id-k am Shafalus i Procrus.

**Pyramus:** Ah, suden-aya yef ljar deg afsil-a yernunsen.

**Thisbe:** Beşseħ a neč suduney lajar n wefşil, yexħda ticensfirin-nnek uk.

**Pyramus:** Tzemred ay-temliled yadi yer tendelt n Ninny?

**Thisbe:** Bla tmettant bla tmudri ad ay-thebbes ur tasey-ca.

Pyramus d Thisbe rgen.

**Wall:** Neč, afsil, imir-a xedmey nnub-inu. Imir-a kfiy, afsil yezmer ad yuea yadi.

Erg ay afsil

Afsil yerg.

**Theseus:** Yella ilaq i yeħbiben ad qimen din qli ugar-afsil jar-asen yeyħdel luqqa.

**Demetrius:** Mtta ad tiged? Amma ay yiċċera i yefšílen yettutlayen.

**Hippolyta:** Wa d axeġġif leemmer ur t-żriy.

**Theseus :** Ticqufin yeħlan nezzeħ ur ucint d şšratayat kan, u a yifuħen nezzeħ ħlant kan, ma txedmem asugen-newen bac ad ahen-tetċarem.

**Hippolyta:** Ma yella amma d asgun-nnek a yettezdigen yexħda tacquft.

**Theseus:** Ma nzer yer iterrasen-aya amek żerren deg iman-nsen, nehni d imaggayen n tqacuct. Żer-t, ahen-guren sen zaylat igensanen, argaz d warr.

Arr d Tziri udfen-d.

**Arr:** (yirar-it Snug) Kennemti, a tiqeyyarin, ulawen-nkempt yefsisen yeğġi-kempt tettefrirrisemt seg wa a yemżin seg iż-żejtien yetħtendem deg tmurt u yesxellaen, ma tzemremt ad tefriwsemt u ad terdidcemt luqqa ald ad yerfa warr-aya aberġani ma yellef-d i tekkuk-nnes aqeshan. Ilaq ad tesnem belli neč, Snug anejjar, xdiy d arr nej

d tasedda yemmuzren, axaṭer ma lliy hamma ur rgiy-c ad sawiy cwal, ila ad refdey tmudri-inu jar n ifassen-inu.

**Theseus:** Ah, d zayla yettelhuhayen, u yer-s alli yukin.

**Demetrius:** Way d ameggi imexeyyer le̥mer ur ʐriy yettirar id n warr.

**Lysander :** D azemni am wek̥eb.

**Theseus:** D tidet. U d amrir am tferrujt.

**Demetrius:** Ah! Yexđa ammin, ay aglid-inu. Ha-t maci d azemni swa swa bac ad yili d amrir.

**Theseus:** Ha-t yexđa d amrir bac ad yili d azemni swa swa. Amek yella, d netta amek yella ad yili. Ğże-t ad nes qed i Tziri.

**Taziri:** Lkanki-aya yesedday gur bu-yeccawen.

**Demetrius:** Yella ilaq-as ad yireq accawen n yexf-nnes.

**Theseus:** Ha-t yexđa d lehlal, i mala iccawen-nnes ilaq ur ad deflalen-ca d axel n tqewwirt.

**Taziri:** Lkanki-aya yesedday gur. U neč s yiman-inu tirarey argaz yellan daxel n ugur.

**Theseus:** Yehla mala, d wa amerrig ameqran. Argaz ilaq ad yili daxel n lkanki. Amek day ad yili “d argaz daxel n ugur”?

**Demetrius:** Ur yetquma-ca ad yili din ȳef sebbet n teftilt. Ha-t tehma axxer.

**Hippolyta:** Neč yelbey seg gur-a. Xsey ad yefsi ney ad yendac seg usayes.

**Theseus:** Ha-t yetban ma hennid yetmetta, beşseh d lexyar ad nraja u ad nežr.

**Lysander:** Lli a Tziri.

**Taziri:** Uk matta xsey awen-niniy lkanki ha-t d gur, neč d argaz daxel n ugur, Tuzzalt-aya ha-t d tuzzalt-inu, u ayerżul-aya d ayerżul-inu.

**Demetrius :** Yehla, yy-ay uk ilaq ad ilin daxel n lkanki, xaṭer ahen daxel n ugur uk. Beşseh susem-t, ha-t teggur-d Thisbe ?

Thisbe tudef-d

**Thisbe:** Tay d tendelt taqburt n Ninny. Mani yella weħbib-inu?

**Arr:** (Ireffa) Hey!

Thisbe terwel, u teşsuđu adug-nnes.

**Demetrius:** εezzi n werfay, ay arr!

**Theseus:** εεζζι n terwla, a Thisbe

**Hippolyta:** εεζζι n werqiqqes, a gur! S tidet, gur yetterqiqqie swa swa.

Arr ileggi deg adug n Thisbe u yessulmes-it s idammen.

**Theseus:** Hammin, ay arr! Lehwet-it am umuc gara n uyerda.

Pyramus yudef-d.

**Demetrius:** Ha-t-a Pyramus yerg-d

Arr yerg

**Lysander:** Ula d arr yeżwa

**Pyramus:** Gur yeħlan, tanemmirt-nnek ȣef iżenżaren-nnek yeħman. Ad ac-snumrey a gur, sima tceċċeđ imir-a s wa ami tqumed, xaṭer s ufw azahrar, awray, yetterqiqqien n iżenżaren-nnek, saramey ad zemrey ad ȝrey tuşdiqt-inu Thisbe, besseħ raja. Ah arah! Qqel, matta tciffiy a neč, matta n lexliet yellan da! A tiġiawin, teżrim-ca? mamek yezmer ad yedra wamma? Ah, ħlil n tferrujt! Ah, a tgennunt! Wa yeħla wadug-nnem, matta, yernunnes s idammen? Ased-t, a Tirebbiyn n znud, ha-t awer-awen wa as-yigin hamma! Ah, a tila, ased, bbi falu n tmudri-inu. Awi, herres, qjen, u eny!

**Theseus:** Yezmer ad twellid d ameydud ald ad teżred azewwek n umeggi-a ma yict seg imeddukal-nnek yeezizen yetmetta deg tict n tedqiqt.

**Hippolyta:** D tamerxust a lliy ma yella ur as-hissifey-ca.

**Pyramus :** Ah, a yemma tgama, mayef txelqed irran? D arr d ucmit d aduni yemixer tagerrujt-inu, mand wa, arah, arah, d nettat d tmibhayt ugar yedren, ay yiħmlen, yectan, nej tin yeħfalan. As-t, a yiberrugen, wezzex-t fell-a ! Rge-d, ay agestur, yeyyez Pyramus yer idmaren. hih, day ȣef teymert tazelmat mani ul-nnes yers. (Pyramus yuta iman-nnes).

Yemmut

Taziri terg

**Demetrius:** Amma yemmut s ugestur-nnes n lemda.

**Lysander:** S tməttant-nnes ad yetwattu ȣef tict n tiki, s sebbet n zayelt-inn.

**Theseus:** Ad d-nlaya i umejjay, yezmer ad yeggenfa u ad yetna d ayyul.

**Hippolyta:** Mamek ila i ufw n tziri a ad t-dduri s-dat n wa ad twella Thisbe u ad taf aħbib-nnes?

**Theseus:** Luqqa ad t-taf s ufwaw n yitran, ha-tt-inn teggur-d, u s wannay n iħulfa-nnes ad tekfa tacquft.

Thisbe tudef-d

**Hippolyta:** Awi-d kan ur tessezgar-ca aherrar yef yict am Pyramus-aya, saramey ad d-senqes̄ ami tqum.

**Demetrius:** Tmeqqit imir-a ad tedren amejguggel, mand d Pyramus, mand d Thisbe a yeħlan xiżi.

**Lysander:** Ha-tt-a daya ani kan i txżeर-it s tiħawin-nnes yetbegħen.

**Demetrius:** Imir-a ad tebda tneħħu, ha-tt awra-wen.

**Thisbe:** Teħsed, ay aħbib-inu? Matta, temmuted, ay aħbib-inu? A Pyramus, aki-d, utlay, utlay. Waqila teξeugned? Temmuted, temmuted? Ilaq tendelt ha-tt temdel iħtaw-nnek a yibegħen. Ticenfirin-aya n ulili, taxenfuft-aya am tiċčal, Leħnak-aya a yibedlēn d tiwrayin, ruħen, ruħen. Ay ismunen, neħed-tt! Yef tiħawin-nnes tizizawin ham sliq. A tila n yerri, ased, ased yer-i, s ifassen-nnem d imellalen am uyi, semyed-ihen deg idammen yebberknen, sima s umekrađ tebbid-as nezz n leħrir. A yiles, awal yemmir. As-d, ay agestur n dkir, as-d, ay ahencir, idmaren-inu yez, u yim-t di lxiż, a yimeddukal-inu, tuqqa, Thisbe tseenda, temmir, temmir.

Temmut

**Theseus:** Taziri d warr kren ad nedlen yya a yemmuten.

**Demetrius:** Ayy, d wefşil day.

**Bottom:** Araħ, ad awen-iniż, afšíl nekkes-it, yella ibettu ayet bab-nsen. Imir-a ma texs-m ad teslem taneggarut, nej awen-nesseċċa cethet d Ħalyanit, ad t-sawan sen seg tarbaet-nej.

**Theseus:** Araħ ttu-t taneggarut, dmam-nwen, ur zmir ad rniż aked awal yef tecquft-nwen. Ula d asuref ma imeggiyen uk muten, ur nrenni-ca fell-asen. Ma yella d amyaru a yemran tacquft-a, u yirar nnub n Pyramus, mda a yeqqen iri-nnes s cmalt n udar n Thisbe, tella ad terni azgen deg tmezgunt-nwen. Ur yri matta ad iniż, tigim matta fell-awen. Sseenda-t-aney cethet, u ttu-t temsalt n tneggarut.

(Tseenda cethet Taħlyanit)

Matta yellan yef yiles n wammas n yid yenna-t: yeħbiben, ad nelli-t yer tussut, d tasurift a yeqqimen i lejnun ad d-rġen. Gdey adeċċa ad nettes yer tlemmast n was, xirella a nuca s-dat n uhuleg d umerreħ n tecquft-ay, yessizgen tikli n yiżi u tern-as. Ay imeddukal igennunen, yer tussut. Deg xmeṣtaæec-aya n wussan ad d-yegguren, werasad ad mlilen wulawen, u s labas n yeslan ad d-ġen yimawen.

Rgen.

## *Asayes 2: AMKAN ID DEG TIYREMT:*

Puck yudef-d

**Puck:** Imir-a arr yellużen ireffu, u duccen d aċessas yef ugur, ma d argaz n tgarza azewran s tenzar yeskurkūr, yuε-as-t u xeddim yer deffer. Xsin-t tirjin deg lkanun, ma d meئruf yesburbur, yesrusay imheckel yef ineqgam, d asmekti n terdast d lekfen. Imir-a d iđ, tinedlin ad reżment timasxiwin, eġġ yal yict ad yellef i yiman, deg yebriden n ljamex ad ċellan, u nečni tijenniyyin, deg tnerkin n teglidt n yiđ nregħel seg tfukt mmi-tfawin, netdeffer tallst am tmarxit tafsast. Luqqa tezdeg, ur nexs bla ayerda bla amdan, yer texxamt-aya timqeddest ad yenteg, neč ſerfin-aya s tferriat, ad ueiġ cal wern n temsideft, yer tejda.

Yudef-d Oberon, Titania d terbaet-nsen

**Oberon :** Deg uxxam sery-t isefdawen, ma leafit texsi s-du n yeydawen. Yal lheyyet, yal ljan ilaqq ad zhan, ad nekšen ifsisen, am wefrux seg usennan. Ċawd-t i tayuct-aya, cna-m u cedeh-t wern-aya.

**Titania:** Tamezwarut, lemed-t tayuct bla aċewwiq, yal awal yal acewwiqli, fus deg fus s tiddukla, ad necnu, ad neččar amkan s tumla.

Cna d ctiħ

**Oberon:** Ald tbeyjijt n ufw ad tħad, yal tajennit ad tendac, yer ɛezzi n wussu n wesli ad nili, yes-nej nečni ad yenta d anżar n thusi, tagemmunt n talwit fell-as truzzi. A nessaram, tlata n yislan ad dren deg uħchal, d ufu n tgama fell-asen ur yetgħam, ad dren ʃfan ɛfan, bla axebbic, aceqqi, nej ccint, bla yabrid n ineqgam, ceeten am wass n tlalit, ila yef tarwa-nSEN ad d-tegħmi u ad d-terni. Kennemti a tijenniyyin, s nda n treqxin d timqedsin, żer-t timasxiwin, yetteqnen yer yal taddart zużżeर-t timerħmin, ajemmađ n tgħidha, s talwit bab-nnes ad yeqqim deg-s. Mzerwaet-t, yict seg-wen ur yetyim-ac, timlilit yer tbeyjijt n ufw alda ad t-ħad.

Oberon, Titania d terbaet-nsen rgen.

**Puck:** Ma ssuhemt-nej tħaż-awen, ttu-t kan, temsalt ad t-tnejha tseidl-awen, sers-t iman-nnun tellam tsaxem, u wa a teżrim kan d lebxax n unuddem, asentel-nnes ur yif tirdasin, yefs is am tħarratin, ut-t a l-wacun nneħi, uea-t abliwen, ma hamma tsawam, ila ad yetwamsel wa a yifen, ma d l-ixxet-tesseħħwa imejjan, awen-ġalley s imeqranen n ljan, ad nwexxer i yilsawen n ifiyyriwen, ad d-nessili, layna, tacquft iđ deg wa ad d-yegguren, ma ur igiċċa, d neč d Puck amcum, mala iđ d ameggħaz a l-wacun agennun, ut-t fus, ma id-nej tuċċam ul, ad netna d itraren, nej d imeddukal ur ajen-teğġan amur.

Yerg.

*Younes AGHOUGALI* ilul ass n tmanya yulyu seg suggas n 1986 deg Buḥmam, Xencla ; mani yelmed ald yewwi lbakalurya deg suggas n 2004. Ssi-din yessemda almad unnig-ness ald yewwi takerda n lisuns deg uħric n uselmed n Tanglizit; yiles n Shakespeare a yellan d amyaru n tecquft-aya n umezgun : « Mid Summer Night's Dream », a yiwellan : « TURJAYT N YID DEG AMMAS N UNEBDU » s Tcawit. Tasuqilt n zmam-aya d tajmilt i tarca n umeynas n Wawras ameqṛan « Amar NEGUADI ».

